



黃渾浦集卷四十七

詩

七言律詩

寄大司空張蓬園一章

追錄果爾上輜車喜見夷吾慰叔牙鎮物定須歸宿望同舟何必問誰家倉皇孽子生神力緩急成聽履鐵
搥總為宵衣傾骨血莫將文采論長沙

十年雲漢此昭回復見老成借箸來千羽莫為仇國論鹽梅即是濟川才人因盤錯重求劍天為驛驛再築
臺前席儻談新表餌合云長策在中台

寄太史趙景之

閉戶偷光風雨繁每題伐木但銷魂蒼生有命隨黃草君子何方出定猿割骨難酬天造就洗心深悟聖淵
源當年賣塞和戎者悔未盡言負主恩

哭張西銘二章

新書未就已藏山明雪纔消又閉關不為幽憂成鵬賦何當造次閱麟刪斯文欲喪愁無黨吾道更生恥獨
還莫說作官官易盡祗今鍾呂在人間

可憐北斗掩光儀已見明河藻雪時人事總從丹史過君心不與青蠅知十年著作千年秘一世文章百世
師縞帶難將裏海淚蠻烟瘴嶺共相思

輓相國何芝岳二章

天步方艱漸遣輪星河宿海共揚塵西傾未盡排山力東倒能安砥柱身再召平章三謝疏五朝開濟一完
人殷憂今日應重念皓髮當年最老臣
古人風軌此依然無盡畫圖金鑑懸進退道關鉉鼎外滄溟人在渭莘前神宗禮樂存千載鍾岳精靈結暮
年時至便行無不可可憐天不怒遺賢

壽繆連城

僊郎飛鳥灑峨眉恰值萊城不夜時海眼蜀中看保障星榆天上澹機絲鳴琴政暇遺花樣濯錦詩成寄酒
卮世道於今存茂宰欣逢新蜡爲開頤

寄園岳念臺兩先生四章

鷄啼偶爾動茅鄰且莫回頭錯應人燕雀堂中初徙突鯨魚背上未安身看無小艸能支厦豈有奔車不礙
塵珍重一肱成九折檀輪宛轉在河濱
紫水吹瀾久欲狂長椿貼岸此何妨盤中盧雉隨投采匣底泉阿罷吐光世道不須推管樂人才幸未到股
房將車呼伯尋常事顛倒看誰著舊裳
懸崖急浪擣松根保得雲泉亦主恩儘有編鸞巢野樹諒無魴鯉謝衡門馬肝食後須清酒虎穴探過即故
園濯足水中看白髮茶爐藥竈且溫存
倦雲渴雨不相謀各自量晴烟樹頭人老無方迴化鶴江平何處滯浮鷗折筋鐘鼎雙遺屣斷纜乾坤一小
舟賴有喬松天法護盈盈星漢自章流

次答韓茂貽見贈四詩

顏孔相推舊 章餘生猶喜得包荒痴蟬脫殼仍依樹宿莽抽心尙信芳女子蘆中辭解佩丈人江上傲浮
湘但將好事留青史莫笑莫邪已斷鉞
庖廚鹿命與誰司酒肆春備各一時胃網魚曾通主夢衝籠鶴未失雲儀嗣宗當日靛青眼儼節於今信白
眉猶憶詞林崇慶團委蛇冠蓋動南皮
蒼蒲海已蕩河源平地呂梁與孟門九死不將除敵愾三生難復報君恩大行遺語人猶戀南董重書史未
惇舉目岱嵩看破碎聲無哀樂向誰論
夜郎不似瘴江邊况有丹砂起瘴煙故事唯餘親舊識新人恰與漁樵縵中山醒過一千日錦瑟愁分五十
絃何處衡雲能發夢不從磨羯譜流年

公占將別有恭還二韻屬諸友言和余先步韻亦以識別

不分烟光盪客胸殊慙石觸有雲從漁竿萬艇垂黃竹鳥路孤巢寄小松吾道已應棲曠野家人未免覓遺
蹤六朝此處多名宿古廟荒碑相對恭
七年叢桂已堪攀移得茶梅即故山鶴著箭歸猿就取人依僅約鳥居間夢從污水尋龐葛腐邵雲亭拜孔
顏君亦寓公多領士春風催與雪舟還

明誠堂初集諸友各有詠賦用原韻和戴德深四章

籌時漸已見滄桑卷得風雲到草堂便賣青山仍可隱將騎鶴尾未爲狂隨他解佩成遺屣從此食魚不用
魴鹿洞鵝湖無勝處窗前鷄語且開場
農山白日起緇帷雲銷霞扇青草蕪甘載不窺園蘊藉數椽頓作鶴威儀聊將蘭室題銀鹿莫以侯封換手

龜何處談經關至極偶然竹殿與松墀
蓬門已准白頭年不意薰微掛素絃
陋巷何曾慙禹稷高陽初不負林泉力
將風雅還三百數過人才值半
千伊雒淵瀾多語謾負牆可在紫陽前
素業風華散未收現拋鐘鼎與夷繇
若無開美愁予獨賴有同方解我憂
道岸鐵船銷罔象文場師子墜貌
貅一尊正始開今日勿使前賢傲厥脩

和胡仲求三章

盡處朱闔繡紫苔青鞋猶破白雲來
看無鷺羽搜丹穴保有餘生結聖胎
半畝天疏蒔藥徑千春人指讀書
臺欲呼龍象耘瑤艸且趁上林賦早梅
書窰雲窩各啓疆果然峰影倒匡塘
幽憂墳典開生路眞宰盤餐理舊章
土室何方存礎石勞人初不倦津
梁除將蠶月條桑外莫負吳差君子鄉
暮春種菊菊苗香白首忘書書味長
老子避風驚寶幃吳牛當月領秋陽
浮沉隴首輕鄒湛歷落游人笑葛
疆除作錢塘銷鐵券更無一事攬哀腸

和張章垣

鳳走麟潛事未偏浮雲頗有曲肱緣
短筇從此依函丈長蠶無勞講十千
匣底素書還圯水斗間紫氣臥龍
泉披衣善卷成何物領作迂儒禮暮年

和林同芳二章

木楊茅茨今復新幸無獵火炤祥麟
東山雲雨愁垂老汚上桑條翠欲均
宦譜半行招鶴怨新詩五字任猿

呻已刊碑石除吾黨保有善稱鄉
惡人

當戶蘭生果合鋤翻教烏鬼繞
蟬窟自從北郭除門籍不向西河嘆
索居鹿觸松楸中夜淚鷄鳴風雨半
牀書青谿弟子輕聞識坐看香消萬
卷餘

和林思誠二章

夾谷臨河路已遙歸林更不夢
趨朝斐然驚藻青山合歸去鷗盟
白地饒戶外聽琴無怪韻階前舞
羽未鋤苗標衣響筆書成日可有
精誠到斗杓九十青鬱園霧開
宛然琪樹各天培未驚雀鶴尋常
過恰有英靈次第來買馬亦看從
入室騫牛何必愧無才浩浩乾坤
圖史裏明河初不動塵埃

答蒲田金若千二章

見爾聲名卓魯前危時天意託安
紘盤根到手看雷斧駿馬當風著
電鞭不次用才新好事偶然對主
古名賢木蘭溪水青春棹倒在銀
河星漢邊維桑雖大早平安治譜
行行報縣官鹽米細從書勸過花
微少與史盤桓文心自結神明願
筆帖仍當歌舞看從此禁中知頗
牧他年刁斗不驚寒

陳宜公攜五經涉錄見教詩以曉之

曾許微壁捲荆扉又抱經書過此
歸入海探珠山剖玉見華不瘦遜
能肥伯山千里傳初學仲任十篇
出秘幃此道臨崖看未墜種絳
牧豕也光輝

宜公以諸書下貽聊用二章請正
因以爲別錄一章

更無疑滯費推求日月長懸天際頭郭泰會師仇主薄彭宣錯過安昌侯人從敬靜富南面家有遺書比十洲對宇衙門歎不就相看猶作水中鷗

陳宣公林守一同賦雲盡山無際川歸海未盈十韻先步宣公製案舊刻詩神作明誠堂同諸子小集以雲盡山無際川歸海未盈為韻步

丘壑何曾謝世紛憂時涼燄也潛焚千方已倒潰瀾水一縷空抽泰岱雲買劍太公歸越嶠聞琴漁父滯河汾百年又過中年半杵臼相看酒未醺紛一作氣

桐碧於今斷泗濱所餘石榻老松鱗自看野湍不鳴鴈即是洪濤未碎身在染縑絲成五典朦朧雲樹禮三辰談經莫過山梁雉留與樵漁話太真

嘉客能邀幾日閒家人畏看小刀環自從榛莽收蛇跡聊對親知報鳥還開眼難拚三折徑壓頭不作兩重山蒼生於我真何與白石青松惹淚斑

消愁合得與醜翻無計群兵畫彩符錯憶醉餘須種竹不知雨甚損香菰江干一報經年絕谷口孤松百日圖管樂到頭成底事可從濼濼散懷無

愚人卻不使山移小小青峰浦酒氣洪水難清巢父耳雪山未斷可師支輞川圖畫千鍼繡神界盤荷一葉滴此去商顏殊萬里籬邊鷄大復安之滴一作論

百結經書試鈍鉛學書共辟支禪可從瓜蒂看燒艾一任茅根自化荃名下鐵城爭破碎風前杯渡少安全沃焦山裏焦原上可有輕帆導百川一作論

忍向空山禮少微客星螢火此同歸似因鼎鑊輕分痛到處尊鱸解自肥赤手不攀垂布力重甌能救幾城圍聞聲海內知無黨况爾相逢蒼荔衣僅一作英

君自曠時博雅才何貪輕餌鱗鱗胎間關脂轄方成賦顛倒初衣未改裁似許泰山稱閱閱未勞束皙理庚辰袖中明月類相照為灑葭蘆蒼日灰辰一作庚

何計華燭與道肥馬關燕麥共紅絳山因著綠多添筆室自含虛領白暉百國寶書慙輯玉六艾夢艸謝編章松筠答答長風下無數園言各入微

翩然燕雀老朱鸞黃鶴何曾喜自鳴不關空中看虎過忍飢法裏認芝生蟬聲乍咽全為佞石髮垂青不世情四壁今多游悟處一泓五嶽共清盈

內盡際海未四韻首從轉音入真支灰微用此近體也以側韻譜律不便新聲聊創此格其用題字者賦意皆於起語足之諸子唱和未及宣公即宣公前韻仍用舊法復錄原和四詩用仄聲者於後

平嗜吾道少阡畛饋仰未窮才已盡下卒何當稱左車鳳衰未遂得鴻引讀書垂老鬼神憐明詔不來猿鶴因平淡看君無關心明窗暗榻誰能忍忍一作耐

簾箔牽花珠葉葉黃鸝送笙碧管遞夏蟲何處知冰寒野鶴昂然見雪砌人海波濤幾樣翻名場裘葛為誰賞鴻門玉斗射洪夢不向君前訴邊際邊一作際

吞夢覺平無塊騷良朋况復足千載睡沙簾白雲團鳳嘔環玕青玉蕾謝傅何曾臥土山魯連終不蹈滄海

海江東新作本蘭船約爾投椽下款乃

未

大地皺紋見墨沸漢紅沒骨著花卉人情翻覆似波瀾世道安箝如虎媚五鹿欲折子雲鋒二禽空發昌黎
懷臨河拄杖試呼舟但問魚龍堪濟未

右以側韻作律章亦創體也律貴調和側宜硬辣彼此互用大難著手見宣公仄律嚴整心甚畏之
聊依原什再足四章其差數妍媸以獨障自掩也

同安紀石青紆於公車至鄴山詩以送之

想爾高才天所私夢中已識麟鸞恣人倫駿發盡如此世道匡回何足疑飛菟風生無鳥過刺鐘響動有神
知新詩應手須開徹幸及新矧年少時

當風實劍豈留行但欲治平即治平天帝亦憐新霹靂龍驤空狎老書生何妨解帶爲深塹不用攤書抵百
城老圃湖東人已倦世間少得蘇雲卿

書王東里總憲七十二章

淹滯人天總導師依然峻茂藝蘭時口精思就龍難臥園徹篇成鶴未知已借風霆供法事翻教魚鳥誦新
詩稽山出處同今日千古西臺共勒碑

漢家遺直老誰論汲鄭當年亦比鄰執法廷中歸未賤思賢閣上草仍新力將勝事開吾黨不以難題付小
臣入節迴灘親友好差肩從爾度青春

寄張湛虛太司馬四章

當年雷雨未分明異姓弟兄淚縱橫豈爲屬傷類發嘆亦從鳥亂斷鳴嚶孤臣觸首傾天柱窮子負冰出火
城最是到家啼不住已傾身後細經營

小鳥今知 不如偷生何處定林於受餐已廢千金壁覆卵難迴十部書雲樹幾層呼孽厲河神終日慰枯
魚乾坤似我難開眼諸老錯錯且佩瑠

中原黎獻若飄搖河北堅城尙未澆元老移家如太蚤尊人舊譜與誰描彤弓有賦推召虎江漢無詩答聖
朝賸得巨靈雙掌在孝陵鐘鼓動晴宵

開府曾支半壁天於今百粵靜烽烟苦辭樞密緣親老不畏蒼黎急倒懸救世無才明主怒毀家紆難古人
憐別餘草艸無多話春樹減愁白日邊

寄鍾陵諸友四章

帝夢何曾感畫圖極多天女笑投壺乍風乍雨梅時令愁鶴愁猿鬼夜呼道命不關行業事良朋多散酒備
徒攝山斬尙無神緒莫問當年屈大夫

莫愁河北卜居時木末芙蓉隔短籬鐘鼓連山推海鳥雲波終日蕩朝曦如迷蘭渚歸無路欲葺荔裳出不
辭去後故人音問絕夢中猶寫石城詩

匡廬東倒烏龍瀾一再移舟江水寒人世可容花鬪鬪石頭空與佛盤桓經燒寶劍無多彩全部寄書不待
刪每憶馬當船檣迅西風徑作馬蹄看

今春魚鳥亂江陰可有前賢鐵鎖心王氣羣龍通黍谷弄潮豎子限溢潒衣冠不作清譚誤神烈猶貽豐芭
深管就半園先種竹三年美箭許成林

贈紀南書

君家書進國門懸，古人不見今人然。王峰已出藍田上，珠海又通赤水淵。一榻偶逢桃李雨，衡門少滯鯉魚天。老來世法文緣盡，羨爾才名尚少年。

張三華差肩之長壽予耳順步韻聊答

東望春橋春樹明，不能東去共呼鶯。孩心趁爾閒消酒，老眼看人莽辟兵。飯顆山頭勞點簡，金湯碁裏罷經營。比時解作清風頌，一字應題十五城。但隔柴門路已長，况逢戎馬又當場。摻摻七箸驕廉頗，落落雲松理萬章。塞北病兒看走馬，周南腐史滯枯腸。少君十歲詩千首，約過十年十倍償。

答陸岫青直指兼示其弟嗣開六章

鴻澤哀嗷未有家，多煩繡斧問皇華。弄兵赤子騷啼乳，象寇元戎戲聚沙。訪道何曾違蟻馬，匡時端不仗茅蛇。遺黎到處懷膏雨，合奏薰風放蚤衙。青隴嶽立五雲間，豈有蚍蜉欲撼山高鼓。門曾經客取大籐，峽已斷猿攀三春畫。堞圖威鳳千尺珮，刀飲白關解。屢會須看破壘都，亭豺虎共知還。昔自當廷借劍時，片言英宋動龍驤。不教阿閣鳴宵鳥，合使雲臺繡日麒麟。愛國賢臣看起草，遯荒老子任茹芝。神州多少浮沉事，未必尙方一一知。竦視瀛海且當門，卹得當門理。蓬孫百折肱，支難報主一絲溥。露也湛恩道從標，木更商略人向根。苗別討論曝背，隨頭成好事。幾時血戰淨乾坤。

相垣荒畝怯耘鋤，莫怪荔裳老遂初。陸抗自能支晉豫，夷吾從未到淮徐。江南金箭存公望，河北兜牟盡子虛。亦欲勉將風櫛去，白頭蓬葆不堪梳。窮涯丘首可安眠，一日樓臺當百年。世道自看吹垢力，人才空著驅山鞭。老從孝秀猶無事，歸對狐狸亦有權。好我弟兄頻寄問，夢中風雨憑晴天。

鄴侯山祖帳送何園子以大司農應召入京四章

起草今誰謝，傳傳趨君萬里慰。宵憂司農懸印已三月，宰相紆邊半白頭。下策欲消平準論，片言饒得富民侯。官家頗憶宣公疏，萃渙當年誦有丘。中原叱馭也從容，七使傳呼動景鐘。賦匱祇緣無頗牧，時危自合變夔龍。海王甲乙歸微管，漢主丁圖念遺奠。一十當師三十萬，與誰同載上追鋒。經世謨深經術垂，逢時救世亦時宜。關官滅竈麾桑孔，中含操棹掃月支。獵罷能要十事疏，民勞更奏小康詩。迂儒彈結何須道，莫遣麟圖負所想。賢獨勞多天步艱，但分默語共如蘭。不教禹稷憐集許，可使魚蝦怨釣磻。帝夢微通版築路，人情剛在雲霓端。笙歌鼎沸餘今日，路作中庖傳火看。

雲間陸集生過予鄴侯山偶爾用韻四章

江東備老此君公，誰復問經過。此中石燕羣依浮泗磬，梧桑空補嶧陽桐。幾迴負約湖邊棹，一夕孤帆天外風。幸得南方戎馬少，龍雲麟羽且相通。華鱗亦不到津南，但爲巖泉一解謔。每有名流招隱者，何妨怪事抵空函。殘葦著眼深難臥，折屐穿山老尙

堪抖擻欲譚當世務恐煩笑影落江潭
借箸更難事乃公聊將石臼寄山中鸞聲半嶺銷才火樽夢全家引道風猛虎不窺鷓鴣宅腥鷗欲洗蛟龍
宮江河四顧今如許多少地天未絕通
墜猿已占南山南又送文鸞與鶴驂客散可無路鬼笑夜闌卻有日鷄談半溪風雨三江水一笈詩書百寶
函賴爾維桑登祗席尙留穩色與松杉

張鏡淵中丞漳南凱還餞於鄴山六章

帝昫東南宵旰勞素書先此展龍韜一匡江左歸微管八翼天門試夢陶戲下旌旗新變色帳前風雨舊投
醪坐教赤子還牛犢半部鏡筵靖海籌
樓船橫海幾時功牙纛山移指顧中自向堂皇資勝算不教魏虎擅名雄人因將將知神略天爲師師錫帝
工帷幄祇今無頗牧畫形端在明光宮
五代三驅六御森不愁獵火有遺禽英風已破虺蛇膽道力能馴龍象心亂緒必誅君意定戟門高閉主謀
深紛紛投策何須問保爾征衣灑暮砧
綢繆四海歎方攘清靜場中將略長豈有懸瓠師李愬頗因刺虎用鄒莊濟川舟楫通胡越救世文章寄斧
斤最憶當年粗莽者誅毛戮賀未高強
蠟渠散齋古遺經莫看旄頭太白星將相能師陸賈意俘囚已過單于庭休從方箭頻開社但取桴枹別建
亭文德脩來圖我護牛羊久不問先零
七建風雲七斗觚可云底定未全圖天心厭亂留揚越帝德光華尙海隅碑著枯蒼餘十一迴陽神手立斯

餘生已共龐公老長嘆伏龍與鳳雛

周穎侯司李寄至感時十議四章

時務經心偶傑多其如風雨迫人何談梅銷渴情難量改轍呼車路未頗碧血萋宏除舊恨白頭樂毅負高
駝一枰一著千翻手空向山中問斧柯
滄桑故事已難陳再造心傷謀野人主聖諒無開口處天迴賸有感時身彌山猿鶴慙芳草半世糟鴆濁葛
巾立國新模猶未定茂宏空作古元臣
欲濟橫舟鯨海深新書未奏已沾襟蚤知世界餘今日縱有訐謔負夙心喫飯寢庭眞宰輔投身幕府半詞
林可憐姚李匡時疏盡作南陽抱膝吟
洗佞消讒付北溟尙多桀秀湘堯芥甚無進取難爲守鼎值烹鮮不避腥底事滂沱看故國何人談笑上新
亭祇餘神烈英風在白日烏龍護柴庭

答沈聞大依其來韻二章

蕭然短髮老華顛鼓腹難隨麋鹿眠生世已當虞夏晚翫心空在義皇先表閭人識鷄窠樣賣卜家餘豹尾
錢幸有絃風行百里沙蟲未化尙安便
嫺石愚谿各小山但無芝艸媿商顏幾行鳥跡沙田外一幅漁簑風雨間世道自隨人變化野花聊與竹爛
斑不堪垂老看新園賴爾巾車數往還

爲縣公留卷二章

君莫離官念故園世間安有種柴門曲當入破須停拍花欲經秋亟掩根白髮舟車懸嶺道蒼烟鋤笠動江

村未殊風普看他日半壁河山答至尊
雷雨方交多難初賢勞其忍負車書掛冠不及懸神武解組何能慰板輿泮渙人情存葦草綢繆風信共衣
柳乾坤貧病容吾老猶爲大夫賦出居

十月出山林守一李元仲洪尊光林君若鄭牧仲陳英子賸予再入武夷分賦六章

一徑再過每下車鷄盟深創到枯魚慙將殘夢酬新局悔不扇雲註舊書世外星辰輕作客山前猿鶴老猜
予不知晉魏飄零後多少高人此卜居

石樓曲折紫崖陰見爾長懸綺皓心未必瑤華生鐵嶂果然芝草似危岑關將真氣防來鑿 得樵風老不
禁從此便迴俗士駕故山石筍細蕭森

旋客空多猿鳥愁道人不知此重遊書從數閱方知妙山自三過始覺幽遺蛻丹翁長啓齒離經石子坐搖
頭滄桑世界沙塵外莫說鱗鸞十二洲

朱門多改邵平瓜賸有青山白著花豪客不爭雲物帳官人莫稅舊寮茶護譚洞脉三千里已探靈符七十
家黑髮幾時今被雪與誰領略老烟霞

荒桂藤梯久絕緣松楠不記與齊年世從入漢知名後人自逃秦未過前判得數峰歸老子捫將細鑄問諸
天終兩王屋無棲處自漱雲芽與鹿眠

溪雲太瘦石泉癡閒卻溪聲老釣徒瓊榻不爲高士下紫園可有素書無林間鹿起三珠樹竈下人通五嶽
圖最憶嚴灘灘上路羊裘藉艸共樵漁

與諸友入滴水巖逢黃屏周太守招酌三章

九曲三過未覺深因君更到碧崖陰黃花已闕漁人棹仙掌仍招舟子心未鑿丹樓函萬戶能鋤荒灌足千
尋可將架壑移於此別作枯船閣石林

掌崖吞吐百花原領略諸峰此獨尊夾道宛然通帝闕疎橋時一過孤村幾聲啼鳥迷歸路無數遊人不
門况有乳泉堪洗耳菖蒲小海自崑崙

簾洞雲深柳未從輕舟波駛失從容三 嶺外無多選石鼓崖前又數峰鶴爪擊窠分水脉魚鱗著樹上油
松日斜欲出斐村路媿聽幔亭子夜鐘

同友坐茶洞觀元仲放仲英子登接筍峰乃就驛道送諸友遊石獅天游因爲別三章
接筍峰頭雲縷微少年曾此傲輕肥懸梯不改舊時路支石難忘天上機肉翅看人猿鳥細羽流導我能鳥

非何如此處懸雙楊白地瓊臺繞四圍
漁郎兄弟古參差纔典雲窩又幾家每道山惟茶洞好不妨人說石樓斜買舟直去衝雲壑漱石從誰責落

霞選勝欲深深便得曾孫別有闌桃花
笛吹楓落已紛紛征人何苦惜離羣建溪千里流終合越嶺中條去未分紫塞蛇龍寒起陸孝陵鐘鼓夜深

聞世間不試巨靈掌留付空山掃暮雲
富沙晤陸岫青侍御三章

垂釣白頭老不難慙無經術起時艱才疎自合推微管天定猶須論討桓搏兔如斯擗象力葦航莫作漏舟
看單車蹇僕空山道笑殺將軍老據鞍

四九江南運未窮踞蟠龍虎動遺弓指困當日推名杰斫案誰人記茂功豐沛於今思猛士治城終古少英

雄朝天滅賊知何日百折江流共向東
中原方召幾時無得見溫陶亦自娛但使江淮清鬼窟不須羌
問龍圖八公艸木寒毛膽七建鋒稜淨斗
舩况是高皇親帳裏捉刀豎子莫驚呼

昏曉八章

昏曉看人日不同誰從昏曉破鴻濛白蟻已出赤松上旬始又生若木東半壁星簾鉤不住西傾宿海蕙難
通暮年怪事多如許總在前朝舊史中

前朝舊事寫難平猶是尋常風雨情淮水能扶典午運江流不斷香孩營會稽太守帆揚越靈壁前茅抵汴
京碌碌於今無足錄祇慙元老自身輕案太守帆一作大吏連

乘除德運且休論但道前年涕淚痕帝子何曾奔采石老臣不合下星源蛟龍失水雲難護女子當圖虎自
尊自是廟謨謨太遠非關將士負君思案年一作朝

燕臺已滿春秋年又泝讓皇飛遁前沙漠塵餘閩東南剛倚不周天唐家陵寢經三復殿室河流保七
遷一旅一成誰忍捨有仍臣子最悲懸

排決應非隻手能洪流詎復古人曾河精有意留神鼎雲雨無緣解白登人湧儒冠歸猛士家傳華髮上胡
僧殷勤石室脩金史別與遠兒續夜燈案雲一作雷

為臣為虜各勿皇但以區區仗彼蒼身有微名藏不得道憲善卷死何妨間將蠶海看沉逸願與胥濤鬪晝
狂七日秦庭聲淚盡孝陵霜露夜深涼

傾危世事廿年中曾夢高皇與二宗勝負當頭須有數去留捨我更誰從折肱九度無良藥鍊石三分失國

工要是在天憐老馬飄搖風雨失途窮案失一作情

不敢攀躋古聖鄰廣明敗壞亦賢臣灑橋詩就能歸隱沙磧兵來不動塵老去九原慚李郭生還百勝讓項
秦滄桑覆手幾年事又見文人賦美新案不一作未

右昏曉詩杜云天地割昏曉六朝人皆稱昏曉比乃有為昏曉者然昏曉屬天易昏曉從人難言念
可歎

第七章言高皇二宗已著憲註中天啓甲子初散館夢神宗危坐甚偉呼予近前大聲云汝欲勝
人道在自勝雖然而寤乃以晶章鑄之又十二年丙子予賜環人都夢文皇垂帷臥關神廟中予至

床前太宗擁被屈指者再云三九四七誠如所云蓋指易象中命困也去歲予奉祠出都將至天寧
洲為風驅回泊龍江灣三月初一日也夢高皇至厲聲曰卿竟舍我去耶予對曰朝廷舍臣非臣舍

朝廷遂遽然覺以是徬徨江渚及聞五月十日之事今又半載捨身於此予在林壑不知何緣因感
至此欲使後人別其昏曉耳

夷猶八章

夷猶不為審便宜儒行當年次第時程力螿蟲真極賤留身莒鼎未全癡丈夫制義恆無害貞婦投胎石化
誰便作冬青空下樹幽人小可共題詩

無可商量自主張更無影魄與周章夜行獨與施頭遇橫死猶當明月傍結凍天教石骨冷崩崖人指廉夫
剛曲兵直刃均無動又為前賢情首陽

百折河身老愈渾誰能一蹴上崑崙歸裁已覺吾衰甚適楚圖知道力尊立地覆舟成法事開山留掌謝龍

門平生不餉常茶飯爲叫巫陽再筮魂
蚤知沒箭已離弦不忍當空送杳然虎豹文章銷幾日獼豺禮樂叙當年地無閒隔人間路家失標題江上
船彭澤新詩何所道納薰峽裏恨東遷
慷慨從容並路行古人著語甚分明廣陵未散江濤韻蘇嶺猶聞鸞鳳聲道入死灰猶有息人當化鶴未忘
情懷沙頌橘逢漁父不與從頭訴不平
素車白馬各奔濤無復中流樹桔槔一尺檣帆猶有勢十年種蠶未爲勞橫開虎市終歸穴不噬鷹飢枉落
毛此去虞淵多少路忽含枯吻臥江皋
氣志爲雲雨不從祇緣學問未噫嚅姬公豈必嘗鴟羽靡高何曾入穀中冥悟自關十世力虛無聊遣一時
窮靈均弟子多精采不與大王說小戎
隴蜀未收江海移看人又到蘇張時家奉六國黃金篆客曳三河白石詩塞絮洗腸生不悟吞氈和雪死誰
知尋常古道循膚髮七尺蓬人且自支

右夷猶詩將發婺源夢道中勒石甚深萬記其末句云夷猶吾行兮屬云夷猶兮中洲進退由人亦
不得自持聊觀之耳

待命八章

問誰待命爲誰來廷頸當門白刃迴身自癡股枯委粒人從墜擊轉靈胎宦情少小輕夷甫轍迹今深謝老
萊可是將軍塵自塵排牆便倒不須哀案今案一作深
便便一作未
蚤知鹿命在庖厨卻爲彭觀俯轉怪事定經平子過飛泉的爲次山枯天寒杯酒和無害春入江流草自

蘇炤管多方心緒亂留將天步與天扶

水濱王躒委江南不以兵車遂笑談猿鶴化人收不住龍蛇去野死多慙召陵楚相高於管西竺胡師老似
明畏看北盟書百卷敝裘無處改春衫

明德懷柔三百年 何得遂居然稱劉冒頓收河維拜賜西戎入渭汧甥舅人情依化外冠裳世法備君
前從頭應勅六朝史不與金遼敘比連

江漢滔滔天塹中詩人以此界王風便將南北分義馭未有虛星亂故宮無數生靈環几席一時鐘鼓滯彤
澶湍紫蓋猶騰湧記得前朝富鄭公

九戩魚龍感伐柯此中寇媾已情多世間猛獸驅難盡天上明河久欲波破斧不支王室遠孤身亦奈龜山
何傷有心淚如零雨莫與征人訴雉羅

進退逢人自觸藩三閭舊有未招魂身當下卒輕嘗敵家與上官共感恩履虎當年循易貫跋狼幾載事鶴
原從今七尺輕於葉莫道當年舌尙存案年一
作時

當年亦不許和戎要自觀時世不同日在焚星難享祀夜關狸鬼易稱雄破都原不因 辨賊何須恨國
工十五朝來恩澤渥莫將澆露稿秋風

右待命詩待命猶延頸也自正月廿四日繫禁中廿六請命聽燕中消息以富鄭公故事夷猶未死
實遂後

歸言八章

鼙鼓歸君未可期斷頭自古亦男兒道無報復人何用烏有雌雄鬼不知一諾千金明季布三旬九咽老原

思遠才使馬垂麒麟又是悲鳴屈院時悲一作長

百尺松當寸莛裁因無歸路失徘徊留將即墨驅昌國保有屠兒負將臺盈篋謗書明主鑿扶屍裹革小臣

哀鴻溝未割東南界何日繞朝贈策來案失一作去將一作築雲屍裹革一作屍橫艸東南界一作江南半

此間突騎半遼人尙道明朝舊主臣大馬猶知循故道蛟龍莫怪損微鱗建炎逆節難相做婁室通家別有

親最是魯連書不到二陵風雨共悲素

未擬長驅且閉關勿忘在莒與樓山狼狐已覺西星淡羿矢應教白日閒疊陣浮圖擣拐馬兩階干羽贈刀

環孤臣曲折何堪道別與蒼黎起痲痺案曲折一作拜賜黎起一作生解第六句贈一作上

撫綏統御失兼籌文告頻煩事遠柔無復征西扶鄧禹空教壽史貶明侯茂宏從此多遺節士行當年上小

舟徑與中朝脩話柄愁雲長覆蔣山頭案失一作出貶一作訴從此多一作事後搜愁一作油

底事何曾敗乃公項劉勝負百番中津池有厄應先渡芒錫多雲合往從已勅諸君無浪戰并教大樹不談

功艱難苦恨身親遍軼掌樓遲命不同案合一作宜

一寸雲車輾百城何人不可共功名身無怒喜關從事坐有醇醪散步兵不信暴風搖豹尾偶然獵火上龍

旌桓文已死懸牛耳仁義當年霸不成案權一作覆上一一作射

智少深慚覆餗多經營四月委頽波千鈞失弩緣懸鼠白日趨風負魯戈後勁魏貅翔遠海重來鷄鶴阻關

河才難顧盼愁明主朝士今如安石何

拚得六章

世間萬事皆拚得况在神明淘汰中性靜自應情不動道恬端與法無窮雲根觸石消枝葉竟采因光失去

從不是此生多解脫元來不藉物為雄

觸物粘空便著時祇緣身事不相離身如菌艸生無炤事似枯藤不上枝佛亦好名沈佛國天為愛道損天

機誰人唾手懸崖裏百萬金錢散與誰

與君夜漏點空花自是在家得出家道法著心均有礙精魂非汝更何涯不將劍佩裝山鬼無復丹鉛養道

芽平淡看人生死外等閒暮紫與朝霞

精微可在北辰端不作單雙揀擇看煉月得膏猶帶火烹天出滓始銷寒人無兩路參能透道有千層剝盡

難野葛蕭魚齊下箸千年雷雨鼻頭觀

墜地悲啼屠放刀更無家計典纈毫一番黃葉離真母三事兒錢試汝曹莽操中身多識字財囊末路共縶

袍雲舒雲捲青穹在各為冥鴻送落毛

首陽溝壑一般身不見荒林有異春鶯嶺神通猶捏怪藐孤處子未傳真掀翻世界餘雙衰宸宥門牆炤四

鄰賁鶴燒琴無不可逸民前更有逸民

拚不得六章

底事當長拚不得古人神理各周全正當竈下脩靈織錯憶堂前布几筵藥力不爭茶飯路締衣即在縕裘

邊看多起倒翻名目猶是飢餐與倦眠

劍氣芒鞋未縱橫石頭猿鳥共聽明月將半滿看魂魄潮向盈虛論死生一字鑿空千古誤匹夫獨往百神

驚移游願盼無成業枉與烟波紋不平

秉燭觀燈千影重何曾種竹失栽松捲簾月到時逢雨永夜歌深卻聽鐘滄海涯多漂鐵石明河上亦有芙

蓉華門自掛冰蕭後又與貧兒施晚菘

左攜劍鳥右詩書三寸枯桐百尺居料海定逢垂竭處看人直到未生初香心不盡留芳艸龍性何曾變白

魚微服卻萊二種事令人千古立躊躇

案尺一作歲

杵鉞直不說虛蟲入細功多別妙無一姓義軒真骨肉十方華嶽老頭顱朋從動色虹爲白兄弟成仁竹未

孤凌蹤一生何所藉迂儒果亦未爲迂
才火名湯損未涯緊拳咬齒失嗟呀道因至命全歸默木自還根少著花日月定穿胸脇出雷霆不向夢魂

搗古今宏毅曾夫子萬里扶肩直到家

案咬齒一作握手

右拚得拚不得十二章馬平王心乾與余壬戌同年同在詞林而以乙酉領解實余始生之歲既長

余二十餘歲余嚴事之乙丑且別余至床前請益馬平直云會有所拚拚聖賢得神仙拚神仙得豪

傑又云拚豪傑得神仙拚神仙得聖賢余應曰拚得馬平曰拚不得去今廿餘年馬平木拱矣而余

猶拚留未定因作拚得拚不得之詩冀後人有以相砭也

武陵嘆用方孩未韻

十二軍以下從別本大難而書補遺

綸閣軍容動絳墀出車天子自題詩殿中舞馬看推轂日下交龍覆畫旂信有皇威收捷楚可無彤矢告平

夷嶺墀玉饌尋常事不數遠揚將相時
爲龍船雨約船雲素起曾推馬服君風鶴已開襄鄧路水犀仍駐夷陵軍健兒再報買頭檄坐客頻拖露布

文最侏彝衣三萬段一齊盡界
望歲苗雲六月枯閉門梵唄做迂儒百城赤羽愁無賴三戶山芎莽欲呼自是飛蝗知禮懺何須畢哺問啼

烏可憐五避無歸處銀犬桃花白日孤

尙方劍賜古誰同可曾斬馬便和戎則餉三分資寇精兵符十道假神叢幾迴朽展成遺矢自擬虛弦爲掛

弓襄洛翦桐齊唾淚董逃何語謝關東
翹翼雄心領八州精神滿腹動溫侯步廊學走中宵淚連井移牀私夜謀閉得入賓藏好手妙將薦剗附名

流當年金鏡貪詮宰誤探瑤瓶得錦緞
可無精館與邊樓十萬橫磨刀筆頭狡獪元平推辦賊下中李蔡未封侯故鄉父老驚牙蠹四國元戎嬰贊

旒况說今年不至已教帝子坐銜愁
六甲常圖八選門西莊錦纜近花村山當瑤瑤題鴻烈鬼過參樹泣暮魂顛頭盧如可借枋頭瑕罅已無

痕曹桓債事誰如此懸史當年氣未吞
豈有英雄六出時侍兒愁進彌留扃門自墜碧爲瓦帥府坐燔白虎旗結袂王孫頻見恠開園公子蚤攢

脣九疑七澤千千路不遺龍蛇媵所之
中原燹火與天通盡爲樓船楊僕紅五案朱批存濟北雙鸞青夢斷江東誰從林下頻求馬自是金夫不有

躬秦蜀替身深涕淚窮奇到亦到奇窮
三載紆籌破四藩衛巫但不許人言閣中捷報黃衣淚臥內飛符張子喧到處桃蟲拚破鏡幾家鬼撲頰香

蓀不知杜預富陽日曾拜花廳寶勒恩
鷹眼看人舉佩刀知誰賣塞不歸曹夔門撤戍旌旗亂粵嶠還輸輦負勞奏凱軍容分豹尾拔營賊帥附鴻

毛慙慙欲獻詩常武卻道荆舒已驛騷

何處早蝗不自煩更催協餉最酸辛三千赤牘蛇含霧百萬朱提蟒怒鱗常使王鈇威不效坐教惇史病難伸於今天下人悲楚莫怪洛陽著過秦

再滌園蓋 三章以下附錄

無根雲樹許誰攀祇可焚香坐掩關遜思已通許郭外泉心迥出絲巢間一株竹杖扶衰屨半榻濁醪發老顏荒落洞門頻灑掃看來仍似大愚山
深篁叢柱斷猿攀剩有蟾蜍自閉關保得秋風扶半壑能教雲翼灑千間鋤鋒聊略存谿意苔篆依稀破石顏卻憶駝峰冬筍熟蘭舟已塞門前山
何辭泉石老偏耽不惜衣裳碎紫嵐海市定教藥頓足鹽車莫使鶴分膠靈書已出丹丘下美箭能留吾道南幸有諸賢多秀句一齊巖雨上青藍

大滌山房看雪中樓欄用諸友韻三章

萬壑無聲四壁暉惟逢驛客傲柴扉愁鷗刷羽看將睡凍鷺銜魚不敢飛月色兼葭垂釣老檀灰氍絮小僧圍欲移此樹家園去當作琪花共忍饑
見爾蒲團玉屑投可如飛絮冒青樓雕將六出仍千出灑得含愁又破愁浸月梅峰難結伴衝濤漁父許爲濤萬金欲買雪花去歸壓菱荷翦翠柔
亭亭綸扇鎖深寒不作蒲葵熱樣看著翅道人棲羽谷披裘老子護雲關谿頭欲撤青精飯鳥爪頻傾翠玉盤試割魚腥烹雪水不知身在碧溪端
有友初至山中爲賦雪竹用韻二章

尺蠖寒心老欲藏空山剩有雪花光燒丹灰裏分香芋退粉簷前罷曉粧鶴爲羣飛初拔箭蜂因蜜毒倦開房高賢莫說程門事合共騰騰過睡鄉

蕭然翠篠此鱗鱗頓化玉簫千樣新一夜葭灰吹月暈羣峯雪帶漏青春乖龍欲惹老翁釣衰鳳頻呼白鴈臣最是蘇門長嘯後不貪竹實更清真

甲申冬至大滌山禮閣用諸友韻 六章

薛居然濯絳衣可將楓陛問柴扉王正已屬興朝運簪紱仍 舊講幃一握雲中看不遠雙鳧雪裏未輕飛慙爲海鳥避風日亦覺鸞鸞試攬輝

山院鷄鳴動曙輝不知雲霧尙分飛幽人出處關青史逋客光華負絳幃紫塞如通南極路長江祇隔北門扉可憐豐芭神靈在未放千春老布衣

長日徵車滯小山綺黃真不厭商顏已拚瑤島焚魚佩又向雲窩發鷺班客爲雪深疑斗迴人從旱久喜霖潺幸無羌虜窺南服但祝銀河銷玉關

燎薪爨桂幾相關遙憶秦淮宮樹潺園武湧幢新帝構彩雲賜服舊仙班青陽日道初通線白髮孤臣又駐顏莫說盤湖多一乞他年欲乞門前山

艸堂委佩亦蕭森猶是鳴鶴未出心吾道不隨日晷盡野葵偏識主恩深猿麋逐隊讓香火龍虎江頭禮盞簪三十五年開禹鼎莫愁王謝共浮沉

周命殷盤共鼎新壁光藜火焰西鄰窮崖已識天根復幽谷如頒寶囿春媿少謨猷扶帝畧疑將迂腐溷儒紳夔龍踪跡猶荒遜莫說玉皇香案臣

舟次吳江逢高經齋閣老移棹下詢有作四章

神廟山東舊老臣何來江上見鴻運中興五月師山甫退食三秋問水濱泛泛乾坤依半壁盈盈衣帶隔青
蘋城南大宅誰相贈王謝當年尚比鄰
龍圖此日正登壇頓有風雷坐釣磻不信補天容化石已知障海重漁竿鹽梅業就青山老麥秀悲翻江水
寒可是棄家陪社稷南飛烏鵲月明看
興元詔紳屬伊誰畏見哀鴻及黍離王氣未迴北塞路古人多誦東山詩園雲擁蓋從龍日白板渡江馬控
時最憶先朝十七載宰臣歲歲改餐脩
民勞洌彼已堪憐似殷丁建武年遜學無人稱傳說徵書未敢到燕然頻看灌老齊歸巷少得英流共叩
絃寬大幸聞新主意一時悲喜動青天

哭馮留僊開府鄴僊大司馬二章

君竟飄然赴帝宮遠尋龍血泝崆峒天翻莫借襄城力海涸難銘砥柱功不信甬東饒種蠶果然廣武失英
雄飛鳴千古愁題彼盡在諸陵風雨中
才盡應知國步頻中原劍佩遂無人山荒虎兕啼孤竹日落麒麟泣采薪剡曲推琴成故事華亭唳鶴動臣
鄰軍衣布被還楊震線鳥前丘有共親

宏光改元奉命祭告禹陵九章

明德應知七日齋園圭凜出古人懷成平四海愁予瀟艱鮮當年念汝諧砥柱何曾師宛委未流誰與共疏
排輿朝欲借弼謨力干羽從容報兩階

海甸初清原隰勻已從南國紀星辰江流不改塗山路石紐仍通越絕珍是處黃雲縈寶鼎更無恠物擾明
神精禮一縷爐香外合使龍蛇自在馴
重華四七想當年玉帛齊歸剡木前蒼水人分疏伉紀不周山抵東南天吾師自憶西王國好友能無陰子
然俯仰孟門何處是冀州萬里共狼烟
舳艫弓劍各披離猶記呱呱辛甲時信有專車餘骨節可容金縷動支祈諸侯不貢江淮怒鳥鼠欲侵山雨
知當日荆揚連楚越精靈偏繞會稽碑
引誠危言動帝庭自陳辛苦與零丁文腮偶曝黃陵廟巨掌頻批山海經不信應龍長寫尾可憐金母未還
形泥塗榻櫺千秋在合爲畫圖重勒銘
降割深悲下土方與誰胼胝副垂裳邊庭有邑空聞喜岳牧無人念拜昌溪鳥居然師蹇步軒禽終日啄餘
糧欲隨刊木山山去螺峰當年亦耿光
鼎耳銷多虜虎哮不能無事理山坳孟津颯梗樓王屋春燕歸林別有巢所恨大東辜織筐未愁全楚滯菁
茅園年四百知多少空憶龜書在維郊
何年則壤變雍徐况復桑田滄海餘勤儉豈須崇五耦神明端在泣下車此間薪膽留遺俗遍處靈威隱道
書手足隻身何所効老臣強半事緩勦
板蕩乾坤得幾會滔滔無處著功能不驚杞帛題旌夏更向園征問敬承北戶璿光依半壁有仍天作自中
興慙慙爲說艱難事千古元良重股肱

聞曠使開雲霧山有感七章

不談句踐臥薪日但說衛文大帛時豈有內供常苦乏而須當宁坐攢眉二東已失履霜賦五省重歌哀澤
詩建武元年多少事勅書莫使嶺猿知

聖哲天生少令臣遂無羹酒答高口魚鹽膠鬲周家令鐵鑄夷吾東海春地不湧金成鄙事天如愛道慎清
頻蠶叢故國今荒盡涕泣絲余未報秦

食貨相權得幾何應憐狸貉噉人多儻車已破千家奉從騎還經百堵過無數炤風吹火樹有時睨日亂星
梭雲崖亦在刀鏡裏何處柴門隱薜蘿

與朝茶酒未徵租平準何慙卜夫夫每有羨金輸太僕未曾銜險失鹽徒中原艸盡銅駝寢江北兵荒錢樹
枯甲乙半篇看不就捉摸校尉傲迂儒

神宗中歲寶瓊盈盡是前朝積糞成山腹依然含氣在蠅頭未與細民爭諸藩老庫移金櫃內豎傾家失貝
城何處全資鑛稅力石田空與虎狸耕

東南杼軸夕成空况有徵兵與伏戎不信六朝會鑄錯可憐四海未歸鴻蚩尤若畏莊山力婁室應資銀夏
功最惜橐駝二萬輛盡移內帑入關中

龜從雲霧破山還又見人翻雲霧山點鐵安期滄海外屑金翡翠羽林間幾分甘雨成珠玉多少蒼黎寄艸
菅泉竭池傾何所託勿云壯士不開顏

倪鴻寶年兄竭忠殉難天下聞者無識不識有棟折山頽之慟稽諸古人無與爲輩卽欲瀝血瀉地稱
揚宣歎無以爲辭也念鴻寶兄生平喜予作七言詩因勒四章登之素帛生芻之義與驢鳴同奏足

誌鳴咽云爾

不周山撼海波飛四海空濛安所歸欲假烏魂依墓樹擬看龍血灑君衣武擔石圻文昌落箕尾芒寒白日
微三季中衰無死者箇真直道古人稀

龍戰騰空尙怒鱗九原講幄有親臣肯教箕比成孤往忍與夷齊結遠鄰白璧不歸秦柱下青筭難憶趙橋
身應知先帝思賢日悔卻章華長蠶人

竭來風雨此飄搖一夜天傾失斗杓江左於今徵管仲興時誰復舉臬陶文星割燄驚樞馬壯士筮魂上海
潮著飯喫衣餼不得尋常庸福幾人消

兵農禮樂亦長城孤掌難支大厦傾志養已教生不憾英魂豈爲死垂名龍蛇退筆存鉅鹿虎豹遺姿照二
京千古詞臣誰第一髯蘇宜陸讓先鳴

黃漳浦集卷四十八

詩

五言絕句

再游天城山賦示諸子七章

免足畏巖栖蛙頤苦冰陷所恃羊叔山顧盼得鄰澗
泉壑何須有霜鐘渺未窮石湖新水滿聊與罷吹銅
倦興憩蓮岡餘情襲夜動豈不憚登崎所憐在絕巘
紫玉乍分眼青霜載危礪無數嶺上楓一夜已成紺
觸地星辰引牽蘿猿夜連不知回雁嶺能續斷藤緣
尋幽芝澗水謀徑自村農昨夜檻前雨遙分石上淙
折屐隨山喜輕身俯石巢芙蓉雙髻出不與野雲交

靈巖山詩

從胥門廿許里至牧犢爲吳子探香之徑北抵山麓可二里爲靈巖山西望箭河如弦上竒爲尋芳
故道石磴左轉得小厓洞其上爲響屨廊廊上轉磴得古浮圖是即山靈巖巖後高閣據于圩頂左
二圓井石鑿方池皆亢日不枯上躡石臺是爲琴臺琴臺北下走諸山陰可五六里即天平諸峯之
背崎嶇經邱下歷窪宮竹塢在焉竹塢左上歷阜嶢峨南據崇谿包迴壑中奇石間出飲於谷水是
爲天池天池左望豎石嶺上如茵蔯者即爲華山踰華山嶺下抵古寺即華山寺舊稱赤松所經碧

蓮吐英得之服食可以不死者也華山左出天平北脊夾隴右迴巨石錯落是爲寒山含澗盤谷幽人所棲寒山左出北望陽山南渡橫陁始見豎石千指羣立如老松林化爲石笏是即天平之回范希文之舊宅在焉天平左支臺石孤馳是爲金山與靈巖時從靈巖迴望羣峰削秀大小絡繹如葉未舒朝秀吐葩並蒂可摘自靈巖之北派之東連箭缺西接穹窿邱壑之姿幽不可測也

靈巖遲健足不至眺望久之率成五言七章

古寺厭花谿幽徑長芳草不意鑷鏤江即在香山道
君王樂鹿山美人虎豹窟得石何必工千秋豔明月
越客單衣貴吳娃展齒輕至今五湖舶猶作語兒聲
昔爲館娃宮今爲法王殿翻意鴟夷皮愛觀金人面
絕頂多靈泉不作天池擬疑是浣紗溪化作灑腸水
傳有古琴臺即在巉巖上風雨多悲音破柱自相向
不信牧犢子曾爲少伯師虺蛇能覆國何必問熊羆

竹塢九章

竹塢是文滸持家塋傍構別墅繞竹迴欄緣山取徑巖洞數所差可坐臥谷口得小蘭若翠篠殊深
與山相向出橋塔之左緣山數十步下臨碧潭上矗危石掌紋宛然與竹塢通矣
茲山何窳窳蒙茸少人跡下有細流泉上有百仞石
植松宜嶽崎布竹宜寬曠所貴幽人心初不喜跌蕩

低廊足通展小院足安步苔蘚綻石衣猶未改其素
人世寡團欒會逢意亦可紫陌千金邱何嘗日安坐
湖西百畝田窄於一山脇移石臨高臺不寫爭坐帖
娟娟翠篠下落落垂屢裏偏有歸然人兼得隱居理
竹徑隱禪房茶水亦清真敬靜生鐘聲不作高士傲
瑩瑩白玉臺招招巨手掌隱隱舊書聲邁邁連屐響
邱壑不易置松蘿難比鄰何期別開徑分待千秋人

出華山寺五章

從嶺後抵寺中不睹山門之勝出寺乃見蒼崖森然列柏成行殊勝後洞
歷歷忽孤豓奇石每可拜生公有市心莽自誑都會
崖巒蔭長得所在或不少照彼華山根遂得領深妙
豈不愛盤桓寫經亦成趣高人少枝節得嚮略回互
平生有高詠不破蒼苔面回首見華顛歷歷如紫電
羣峯猶欲騁似有未盡勢幽栖在一室何必寶餘地

寒山四章

寒山無復主人叩扉良久而去
泉眼想微茫山骨已破碎幽人自高眠烟霞坐憔悴

員石不可豎窮鳥日難賦誰當屏薄車更爲泣玉璐
酒脯瀝詩魂巾衫禮石丈一爲闕中碑斯冰空相向
兀兀大鳥翻忽忽高厥鼠雀蛤溷深林不復見毛羽

蓮花峯觀道藏八章

一峯千曲徑碧巖護青筒谿水無園素安潭萬峽中
卷曲青螺頂能開十畝樓已垂天目睫猶覺衆峯低
記得生仙觀不分像教堂空中銜錫鶴宛轉自翱翔
貝葉連青簡梵音解道書總緣文字外施藥與衣魚
共作無明盡依然不二門仙人嘗錯誤又過桃花村
頑慧何須別蒲蘭各自花驚聞十羅漢一夜委袈裟
萬囀末年事殷勤祝聖心滄桑已若此海嶽慟高深
龍胡不可繫鷄犬各湧沱武夷與天目若個感恩多

昌化至新安道中十章

已過於潛山猶在天目下竹笋化危巒蒼素各盈把
笋脯入秋老不老白者柔青山青反穉攢白過雲頭
白鷺趕青溪青松落樵斧猶疑白足郎欲作青鳥語
未走蜀山道已從閩嶠來五丁一百指血縷爲誰開

儘有孽雲峯卓出銀河外野老不知名但識吳越界
聞有大鵝山遠與龍塘接龍鵠久模糊馬蹄空崖業
左擔稱檀越市樓盡覆蒼回頭語僕子莫亦愧香鹽
擾擾魚蝦裏昏昏嵐靄中避秦當日路裝束與誰同
不似買山者何如採藥人隔谿聞虎噪便面自遮身
落日尋栖次班羣數旅錢十年冠蓋事一夢一翻然

過藍田借庵夜宿不得六章

虎兇各違野蛩蟬自翳林夜飛何處鳥不識鳥棲心
風塵多紕誤泉石又勞人豈有看山者蒲團不蔽身
不合行窮日多因畏旅巢驛途新屬禁豈亦到僧茅
已就樹下宿猶憐未出家投錢舟不渡母乃太嗟呀
嫚罵何須甚夜深人信難已知新佛醉不惜舊宮寒
未掃搜山興今知濟世方欲從弱水渡合借量梁光

憶攝山紫陽樓八章

自攝山歸意甚忽忽憶太石閣左有紫陽樓小僅容榻樓後開檻備見諸峯轟然欲落樓左小房推
之見架上有鈔成永嘉集雖作語而精潔可觀意宋時修士多蹈彼徑今在吾道中不見其人爲
之浩然疑諸傍崖常有逸美

走馬看幽徑能無宛委疑古今高士傳總在夢中披
盡道覽名山經眼不可再鳥影落懸崖圖復知所在
閱過千尊宿猶云未遇人應知有部史無一是當身
甘露灑孤松一夕生芝草道人拾紫花乃出馬關道
海市初經眼未忘得寶心穿將滄海出不顧萬勛金
落月想鐵絲非關所見小木末一聲鐘葉葉根啼鳥
合眼孤舟下現身百國來千秋人瀉影兩筆不曾開
今日揮淚餘所得未曾有莫問所得何甘苦身自受

牛首山下八章

從牛首迴顧諸村落閒有佳者率與天闕相映江水所包曲瀾西流野多檜柏編成籬戶誠得一邱
百畝隸以松竹十年之後亦足自老何必荆溪之田半山之宅乎杖頭百錢發願已奢爲之一笑
翳然林水閒咫尺見牛首遠客雙青鞋何繇直百畝
南士雖單寒猶有徇翔意正使單寒人徇翔欲垂翅
側柏自成籬野竹忽穿水通潮不百尺何必少訪鯉
朝陟牛山巔暮宿牛山下風雨閉柴扉江流自日夜
杖頭三千倍吾亦有佳處所愛諸岡樹遠與得近晤
關北與關南久矣息征戰苟無雄麗觀千歲坐清晏

雲眼既高駝千里不入目兩層驅萬峯歲暮想茅屋
茅茨無霸氣斷岸勝孤島悠悠海外人所愧商顏老

浮山詩十二章

出九華自池口北泛入湯家口可八九十里皆沃蕩大小成湖是桐城之南澤至金牛白茅諸山皆
清峭臨湖如鏡中爲浮山高僅可百丈週迴十餘里而峯巒數十洞壑稱之自寺門東上歷徑至巔
可千步爲經閣巖巖巖垂如覆荷葉端整粲然約受數百衆右爲霏雪洞洞口盤旋如吹螺殼屈折
相向中途研然層樓通空漏泉正中珠霧繽紛日影射之虹彩可沐從洞出經巖左緣磴曲上得天
開石肘垂碧正成鏡寶度此便西向又一岡阜隱洞無數其大者爲會聖巖巖四週皆廊爲千步廊
在廊最大中可受千人皆端整牙距豎立石廊三各有輔車以上小築傍崖壑者皆負洞可觀摩頂
窪然是爲天池方廣數丈深不見底四崖削石從天池西望小阜有小天池步龜坪而下爲蓮花坪
石皆瑤瑤作蓮蕊理自是而下爲張公洞洞有房戶自然深窅是修煉處從此東下迴視層崖窪曲
相函皆成霞鬱洞壑不深而湧勢百倍爲雪浪崖雪浪崖之極爲海濤洞從此西出過象鼻巖又值
浮山之正面臨湖削峯在在可眺其一穴一竇無得而名也約此山似武彝微而具體自經閣巖以
東似萬年當而上自會聖巖以西似天游觀而下也衲子皆稱此山似齊雲欲以雪浪崖當其一面
行當至齊雲視之耳經書記浮山皆云海浮至想是浮邱公所治不虛也

真宰信幽奇雲石各相亞巖雨灑層霄何必金門下
方丈故飛游江南復江北舊是島中親雲眼細相識

烟火既泥人波濤安可住屐齒化丹崖因風生綠樹
幽壑閒明崖房欄信位置不知造物心宛轉爲誰媚
雖無曉削工亦有安排巧仙人多白鬢諒爲是物老
每有奇妙山定在荒僻處此地亦人前杖頭費防護
近旣安可作量居遠近閒別成夷惠徑約過蓬萊山
鳥跡依雲篆風根射虎蹄不疑元放宅便在浮邱西
已識祝鶴處未傳相鶴經因君思項背不似嶺雲青
到處飲牛徑尋常洗耳泉當時杯不渡買隱自何年
數作曉臺夢今停天柱心世閒千尺勢總爲一邱深
帆影識山面菰蒲知客情試看人短棹盡作景長城

出廬山擊舟東下十章

先在白鹿與兩生約過歸宗既下三峽阻水不可渡時夏已深慮逢秋風歸興勃發遂擊舟東下計
兩生讀書尙未予知也

昨爲匡山雲今爲彭澤水雲水同徊翔倏忽已千里
古人重姓字往往名山川料除姓字外空山仍自傳
空山時當客游人時當主主客亦何常流泉排石戶
往興不可盡離懷難得留留將不盡意緘付紫雲頭

雨至瀑自深天晴湖應落野水無滯期初不負石約
游山不游寺此意良偏枯不知無寺處能有山無
已從山頂來莫窮山下路山下多回谿各從山頂度
領得鬢眉去鬢眉自稱身莫更尋回面面錯看人
兩生殊欲來五老已成別細霧與大珠各自掩身舌
昔聞洪道士今成韓伯休所憐白鹿徑曾未到青牛

江上阻風眺望四章

還過彭蠡又逢逆風住繁昌舊縣覓浮邱不得望一峯峭拔如繪往來江上數射人眸問鄉民稱爲
客山意當宣城時謝客所翫也走十里從之僅一空山了無展齒惟三峯削翠石蘚嗟呀足慰眺望

屬草看雲集回文繚江面雲枕不可安江心日數變
蠓子似學勞勳牛良惡濕顛隋性所甘風雨何太息
見似峨眉者疑爲浮邱道標勝不因人遐矚自浩浩
越嶠故多姿江水信渾灑所惜臨安展不夢江上草

石鐘山四章

至白下逢孝翼談石鐘山之勝空洞窈窕下徹魯班遠放魚龍悔再經舟不探其穴率爲李蘇所悞
付之聲響矣閱物甚難標題不易儼當身至之耳

皮人不可相水石故相若所示空洞中各有自開闢
鴈生雖好奇足亦未能至呼水爲蒲牢遂失石鐘意
靈秀山所珍要取漁樵嶺達士喜高談祇說燈前影
七日阻湖風咫尺不得叩幽勝遊疏人官然笑吾陋

焦山寺前土中二銅像八章

見陵晤鄭謙止云焦山寺前發土得二銅像一髯一髡相顧語難意爲坡印不知鑄自何年并何時
落草也予孤行至彼寺門圓然雜徒相傲便出門尋孝然巖若不及至方丈睹坡印及諸彝鼎耳

南渡自何年金焦峙鉦鼓銅人不忍見灑淚掩荒土
落草故自佳濁世共荒穢寄愁與埋憂忽忽五百歲
人世何足談正容領物悟相顧生滯心擬舟安得度
王倪屢不知桑戶爲一笑幸作長相對不著言語妙
納土旣已安出土何所擬長鬢覆被閒日夕相排比
纔聞楓木香已受龍象獻雲水方翻瀾可惜復開目
破衲抵玉帶此意足奇雅琴密連石頭故宜坐床下
蒼茫一繫舟遂成千古蹟不知利齒兒何意頻下石

題銅面扇二章

山陰六角簷一角一銖錢墨花飛落處遺韻在千年

荷葉猶存骨黃蓮不去心牽達古祠下神人不取金

告辭十八翁詩

丙戌就俘以來誼在必死未了諸緣無所復憶所憶者惟春秋表正詩暑正二書未就及未登嵩室
涉華嶽之顛耳春秋表正爲少時舊書壁明堂里想已廢於兵燹無復能讀之者嘗屬陳無涯兄弟
裁其大略不知能竟之否詩暑正必須吾自艸無復能傳其意者如嵩華二嶽欲以黃冠丐此了願
先年當遣成辰州乞多千里移去渣關爲林讓菴銓部所尼不知今竟能得之乎垂老得此坐華顛
臥王屋執筆以事詩春秋雖禮北斗受玉虹不爲過矣生平所歷黃山白嶽匡廬九華浮丘龍首穹
窿園墓洞庭三茅天目徑山西陵宛委天台雁蕩羅浮懷玉一十八翁要當一一謝之生死千秋未
必再晤風雷楮墨載其精神亦使來山聞之謂吾不薄也

案此詩總題及序載
石齋逸詩今補錄

辭黃山四章

交臂遂相失徘徊雲霧中悲猿如葉類笑容不從容
不沐神龍泉不咽丹砂飯浩蕩遺雲舟晶然無畔岸
亦是吾家峯神物不可譜頂髻在心眸一一屈指數
新嶺非不高乃不得相見今有青鳥箋欲寄南歸雁

辭白嶽四章

別爾不多時精神已恍惚雖有蕩滌心不舍玲瓏骨
幽人多古力破得洪濤障屏風與香爐宛轉在吾側

石橋過危溪猶有營構處欲洞三姑背巧匠不可遇
熱境雖苦多冷趣不厭少十一借巢居幽情尙窈窕

辭匡廬四章

與爾最因依盤桓恣南北流雲生笏肩天末堪鳥翻
絕頂走雲遠往往見邱壑蕭然平地身厥高不可度
西林與歸宗胸背一百里白鹿時往來丹書繁兩耳
雖不見石橋頗有銀漢意登與五老辭齒髮照天地

辭九華四章

似爾千芙蓉搖搖背玉巖唾手不可攀相思但目眩
花寶釀蜂房今非吾所舍巖突羅漢峰不得置其下
家山九十頭與爾貌梁甫合結萬年枝並帶坐胸鼓
當年看浮圖祇在地藏殿今日地藏人不作浮圖面

辭浮邱四章

浮邱亦巧心移島入湖水能使十二洲一一坐盆底
大兄字齊雲小兄字雁蕩看爾心孔多似欲出其上
愛爾真希奇珊瑚鎖子骨穿藕出花鬢墜雲弄明月
世界多滄桑祇在眉睫內寄得相鶴經不照騰蛇蛻

辭齊山四章

蒼崖多靈姿今爲世所寶蘭膏多自焚玩物不得老
與爾數分攜岸谷遂遷變青蓮配白日九子失背面
明月鑿新詩孤舟汎秋浦大堤胡馬嘶半出綠楊樹
吳楚日已波那得有佳處江流不肯回牽船掛天柱

辭穹窿四章

亦是茶飯宗不替巋然號吾欲寄雞窗借兒辭鄰竈
天平美亭謝天池蔭松柏高樹旣已傾松柏無顏色
昇平聞茶香各亦有深趣樂鹿下土臺壘僧不敢住
孤山亦深雋鑿鑿照嶺月今日聞孤山使人落白髮

辭園墓四章

憶爾梅開時碧雪滿平墅縹緲三兩峯祇在梅花下
鐘聲亦霏微遂與湖水按鱗鳥梳暮帆蕭然寫落葉
何處息陰人平虛撥水鏡不意澄練中 馬亦得騁
疏蕩此棲遲似未遠閭卷立勢不孤驚終爲物所罔

辭洞庭四章

靈威少真文水遞真不錯癡龍自謂癡蕩然失林屋

橘樹比夷齊貞心置爲像帝子惡胥濤別出洞庭上
縹緲亦佳山爲高苦不極魚龍失大人嚙嚼嚙白日
吾家滄海隅裳裳跨日脚攬此盪心肩猶未發天鑰

辭三茅四章

華陽最相依地肺得勾曲時復一回互寶氣靈心目
深不礙龍宮高不礙鳥翼與君三弟兄往往見肝鬲
平疇亦可耕青谿亦可織恐有水草期不得謝羈勒
良常近霄窪屢發秦王歎乃知蹈海心入山得其半

辭天目四章

勺水通銀河遂欲照天地石橋歷亂閒最得盤古意
危松盤石根香草結幽壑不以勢力工欲與神鬼搏
苕源千仞巖悔未窮其穴蒼白諸龍潭徒然見蛻骨
東南比崑崙縣照蔽千里高人不得意裂背從此始

辭徑山四章

幽人之所棲喜其多修竹龍象時往回入林解蹄角
孤崖與曲彌處處得深步似爲道果盤不獨涼城路
烈士無多心眞人不八面怪君眉宇閒修飾大慈菴

樅樹八十圍出門不忍舍莫亦有 兒乘輿來繫馬

辭宛委四章

辨邱一萬里委宛下平地禹蹟一探訪縱橫生文字
踐齋有高識邈與神禹弊忍垢生雄風遂得江山意
鵬勢欲歸墟龍尾時一掉東晉諸名賢遊覽百不到
展齒日以頽六陵不可望夜潮乘暮鍾令人發惆悵

辭西陵四章

靈鷲不敢鳴鳳凰鐵其羽何處消畫圖立馬上坏土
繁華入酒掃諸子謝卜築除有大滌山爲吾舊沐浴
十里七靈巖九谿十八澗浮雲掩微埃從此不相見
曳杖上蓮花納履出靈隱閃電如隔世令人坐難忍

辭天台四章

石橋與幽壑此道殊曲折千古螺螄潭處處卷其舌
要亦不須家但得雙白鳥一跨三千里往還得不少
劉阮量洞頭寒明兩岸裏上吸若木精下漱瓊臺水
名山不忍辭今復那得遇荒荒龍蛇秋猿鶴不知處

辭雁蕩四章

與子結奇勝，曠欲置房几。可一不可雙，峯峯與水水。
頂髻關神明，肩脚相窅窕。化物乘虛舟，往往下木杪。
南行有住宅，今復入山腹。安得路清夷，相與坐盤礴。
英賢不決腹，十指腦造化。怪彼康樂心，固爲物所詫。

辭羅浮四章

忽忽四十年，相憶如夢寐。譬彼舊著簪，久已生棄置。
朱明四百峯，峯峯噴朱艸。真人愛蟠桃，琪花自枯槁。
猊踰遊大荒，長蛇塞天地。安得舊同心，相與共拔刺。
僑如行若長，晏嬰坐苦短。吾師今已矣，不必探微管。

辭懷玉四章

與子交不深，頗有深交分。武彝自細瑣，靈山尙可問。
玉清之與博，鳴鶴在天末。餘糧不可齎，含憂坐明發。
嚮欲截蜈蚣，經營斷鑿嶺。獅子落雕巢，頓使萬山冷。
曠野將安歸，定向華嵩去。猶疑黃白山，不是華嵩路。

以上別辭黃山白嶽匡廬九華浮邱穹窿洞庭園墓東西天目徑山齊山宛委天台三茅西陵龍首
玉雁蕩一十八翁凡五言絕句七十二首以楮竟不能復書也十八翁與我周旋竟當舍之遠去唯
武彝維桑大滌吾墓終攜偕往未之辭也隆武二年二月誕之前四日

凡記詠揮毫須筆墨與精神相好，今情事如此，逝期非遐，有何心腕理其逸緒，又筆禿紙硬，索索如
劍鏃，會須使雷電碎其斷章，巫陽齋其魂魄也。又識。

辭十八山詩凡七十二首，武夷大姥繫於維桑大滌，焦桐爲吾講舍，寤寐相縈，未之辭焉。世事如此，
意有所歸，七尺遺廬，何時不返，而留情如此，猶之癡夢也。適筆楮甚佳，率率書此。丙戌二月初七日。

偶逢微雨

四章從別本大
潛函書補遺

涸鮒仰河神，呼雲出疎島。百日能淋漓，靈龜猶未老。
山鷄愛丹羽，野露不怕濕。雙翻牽羽絲，故在水中立。
拔宅遺麥又移山，漏鹿駕豈畏大陸。沉匆匆，何不暇。
噴酒傾玉盆，誅蛟截銀鍊。急需霹靂車，爲搏中廚火。

六言絕句

感事十九章

雲裏掉頭裂笛風前軟語聽松禹稷神毫不動廉來聲氣從容
竹塵蕉花共傳籌冠章帶同刪莫上漁樵本子浪翻巢許江山
釣弋難消清福餘尊亦怪便宜耐煮青泥白石不分蛇巧龍癡
灑酒夢圓裏去椎牛錄塚上來便買千金鹿骨自題七尺雲臺
蚤向江潭領橋遲看隴上條桑嘗得百般毒草未成三分醫鳥
故事幾另案上殘碁數著燈前木落肝腸未碎石駝頂背安眠
灑竹一鄉異術鋤松萬里同風知作無遮法會先教雀蛤投籠
已罽珊瑚鐵網休穿明月驪珠顆粒來許燕雀鬢眸溷得蝦魚
杯酒因緣易散交龍帳子難消休歎賢豪亮掌可憐管葛峰腰
映雪懸燈一處灑脂燕火雙頭俱是鶴鷄局陣已拚石鷄春秋
趙公相狗初罷倉庚載雁初來試看衣裳顛倒猶然烏鼠徘徊
每向鷓鴣乞食頰來虎穴安身可似天心菩薩偶成漢語道人
姓字不如桀溺人才偶到龍且莫遺路頭子路去問車前左車
萬馬奔場駐足獨絃鬧市哀歌已畏鷄豚教戒不煩劍楯磋磨
長服馬肝亦可類嘗熊膽何愁近聽人懶躡足遙聞鬼撲搖頭

撒手蒼龍嶺上開帆白馬波中戲作播蛇老子賺將笑語天翁
不壞官家石檻未落龍衮衣裾試問袖中白璧何 趙國相如
獵客早收冷箭美人莫下鸞刀領取銅牌領下羅將仙苑遺施
鐵距已消怪夢銀條莫憶舊欄記得聖人萬福更傳天子平安

七言絕句

牛首山六章

聚寶門去牛首山僅可二十里山如架閣一睹輒了以塔寺取勢層秀渺望所謂雕鐫眉額瓔珞銜
索也左角垂崖自天井而下奇石掩映如口輔開自露寶質從此西迴至獻花巖踰隴即爲融堂始
幽隩可棲天下名區若無衲徒不成法護不知臺佟而前集許而下編葦緝茅可復久不自王子年
焦孝然無此證嚮乃知崆峒藐姑去人最遠耳

崆峒道士久難摸姑射仙人丰采殊一日住山同棺警尋常施卻腦中珠
古人卜隱各開山鑿石雕崖共閉關不識何王移法殿捐將精舍到巖間
王何當日祗清談不悟微雲結遠壘亦是劍頭彈破瑟遂教薊子欲投簪
伊蒲饌下幾能材圖什曾師郭象來記得盛姬啼黃竹曼聲未使野人哀
樺皮土窟不成谿郗構連雲猿鳥迷此事不關王謝過當時人祗道夷齊
南融心事頗分明法護毒蟲一併傾世上既無真猛獸藏書安有古先生

留都逢夏至因候日晷六章

壬申五月初四日夏至予已儼舟將上九華匡廬矣念去歲在都下測冬至晷常先兩八十分刻南都
故有郭太史儀象因就象臺候之初三日正午晷短一尺一寸五分午末晷尙平衡初四日正午晷
亦如之至午末晷倚一尺一寸七分明日午便踰尺三寸矣以初三初四二日晷度之日極短分交
于子初而大總統在初四日辛丑戌時初初刻則是後天九十刻也惜時草草不能先後七日求之

嚮與人談無會者是日頗有諸臺生在備聞曲折然亦不知予爲舊史無能與西域人爭之也聊爲流覽自成晤證耳

陸海魚翔鳥欲瀾迂儒猶自說臺官天高遠道愁平子錯憶凌雲承露盤
盛時冠蓋各耽榮洛下無人復語閑盲腐隨時看圃日草青月白自書生
天道分明尺寸陰何須玉黍訟高深窮簷至暑通南極史敬未窺作洛心
頻年薄蝕已難詳空說十方差數長誰識瓊璫第一事祇憑日德有低昂
千戚方勤戎馬憂不知石鷄溷春秋八能髦士何嘗盡畏與歆雄共孽流
芻蕘弋獲各能陳儒墨當年鬪殺人龍鳥何須求郊國青天寫影十分真

儼舍既定遂游山八章

至南都便謝絕漫刺一意草屨惟家人未有遽宿爲旁皇兩日遂有云舍亦不可儼山亦不當游者
自念身爲放民池籠已決世上自有雕題曲室以供快宦青壑丹崖以娛幽日不幸生在海表萬里
中州幸未半途得舍塵泥以親雲水方使雲將理其雀肆若士分其蚌津何爲踳然更課世法限魚
鳥慕乎實一旅舍措妻孥既定便從兩僕攜一鋤兩傘而出風雨視傘生死視鋤決不煩貴人盼念
也

雲松自合與幽人豈有曹麟兩礙身未向伯通廡下老何愁江水蕩蘊草
冥鴻野鶴各高徊不受鷗鳥教戒來身是故生元日鳥蘆花苦竹莫相猜
謝客高懷吾豈敢李郎狂態我殊慚白雲監史應開目不似時人浪虎耽

蛇豕豺狼亦有靈未從羅罟弄鼎羹腥菜骨血已如此坐並鸞籠不放隄
清時逐客亦富家享得殘霞意未著山水豈應皆數斷全天風日養鳥紗
天縱猿猴定好交分明飲水得安與江湖不託鷗夷尾何處家藏五石匏
與得松花冷似鉛是人毛羽欲生時千官已識官厨味無數靈光怨紫芝
故園猿鶴亦人情寥寥相逢記舊盟秋水鮪龍相對語一時奇榮與山精

茅山詩四章

句曲門至華陽故道可七十里又七十里至茅山山不作峻觀逶迤疊互如良常宅後山東望孱顏
三頂隱秀唯大茅巋然從良常望之疊折六七峯宛然地肺矣中茅峯踰嶺爲積金峯疑祖龍埋金
處非也積金峯右行七八里至乾元觀有宋朱道士碑逾嶺里許得三洞皆東向空嵌可觀古稱辟
支洞爲東華左腋從此出五六里即良常洞夏潦草深不復可涉還自乾元前踰數阜得陶隱居洗
心池其右數百武得小洞左一石門五老差立爲雁洞洞露頂窪底從石門達之可鑿也還出爲會
心池乾元諸界自辟支外此最幽勝矣踰嶺西行循乾元右臂西盡處與玉晨觀會有顏書李道人
碑內有漢制展真人像走此山循環三十里覓陶隱居像不可得擬從雁洞築一齋居楊羲許穆及
晉諸遺者無絲也從玉晨南行歷三茅之麓皆幽棲坦望負陰面陽北亘江峯西對大黍趾距相互
在在足棲還至中茅之麓探蓬壺遇玉柱窺華陽洗盥客亭濯足曲池憩華洞舊址欲更下大茅尋
乾陽羅古諸洞值游已倦亦廢然反矣凡此山隱洞最多憶自玉晨回至白雲寺檜柏翳陰望一阜
奇石參差披榛躡之皆有洞蹟宛然千年以來泉石之房奪於土木湮耀有時勿謂三茅諸翁耽於

烟火也

竹宮水殿已難攀，盛有黃冠禮此山。雖大不知香火鬧，尋常鳴吠欲當關。
白髮何當杖履維，祇宜養允嘯孤桐。鉤梯不破真山面，鑿石隨方得道宮。
中峯領北乾元西，處處幽人未卜棲。喜得一句還一曲，老來放展有安藜。
匡廬不作媚人眼，句曲還多自媚心。珍重白雲來往少，莫教帝子妬高岑。

積金峯四章

積金峯無奇者，又不當地脉之衝。雖有迂人不從此，問王氣矣。意銷兵刃，實當壑中。當非一處華陽。
龍池即玉晨觀前池，今峯上小池。求水源不得，安所得神棲峯下。接白雲所謂一勺泉者，亦挹之立。
竭縱復生龍，適可作脯矣。

銷兵帝子信雄才，王氣餘將仙子來。記得茅家神舉日，徐郎後嗣長蓬萊。
之翠海上少流連，特日丹徒證往年。不識安期三晝夜，道誰仙裏得成仙。
長年辟穀亦常人，小日方瞳那得神。贏得高樓閒坐臥，解羅放草自江濱。
淮南死後語支離，九錫授徒自愛奇。不學長生惟學死，可憐同泰舊相知。

華陽九洞四章

華陽九洞在三茅上下，僅游其六。餘良常羅古約以後年游，此恐未能來常留。此與時逢徐霞客來。
自江陰因歸理包山之棹。
每向洞門一舉眉，不及孤兒洗鉢時。桃花開落憑風雨，撒飯胡麻乞與誰。

波神老去鮫人宮，翹翹或依蝙蝠風。莫向幽門爭燭火，鳥窠猶在煙霞中。
不信幽崖窈窕餘，寄得羅浮泰岱書。人世鳥魚猶夢夢，誤把肉芝說鬼神。
奇人探得石墮肥，每約千年長一圍。林屋洞門傳已窄，休耽句曲更忘歸。

焦山詩四章

揚子下焦山水道，稍紆故焦山。諸麗為金山，所據取小舟。順流八九里，泊其南麓東麓百武得焦山。
寺寺麗不減金山，而幽靜多致好事者。為孝然作坊，此處居人絕稀。想非孝然備春處也。循磴上數。
折稍北，得焦山佳處。有楊遂菴碑字，傲魯公其碑材亦佳。循崖下得兩蒼石，削壁水中。其窪可仰者。
為瘞鶴銘。夏水潮生，宛在中底矣。循崖上絕頂，高與金山齊。樹木瀟鬱，從江流中望之，如青螺髻。雖。
勢徑撐豎不及金山，而磨崖彌望西顧，瞭然亦北固之鼎趾。金山之昆弟也。

暈背當潮控馬銜，江流東去此重緘。若從此處尋真隱，又是宦游一便帆。
莫怪方壺不繫棧，賃春須亦有人家。當年雙岸馮秋水，未敢彈琴對伯牙。
持杖渡河河水渾，此閒不易得孤鶩。便將結足深深院，回首尚多未報恩。
荒崖今已遍哇鉏，爽火未忘處士廬。滿望花壇招法侶，幸無鐘鼓禮爰居。

攝山詩八章

舟出儀真自龍江，洋中望一峯。圭削如文者，攝山也。山兩翼夾，胆伏抱，靜深為南中最勝。騎危八九。
里至絕頂北望，江步西顧，京邑繇翼如。繪左翼容數茅菴，稍可哇與中峯相映。右翼略具洞壑，自。
碧鮮崖上下鑿石可玩，中條垂麓，仰視嶺上所在成樹，雖徑尺中，且百丈，意盡為棲霞金碧之區。此。

山外樓中饒距京東門三四十里中游人修士所爲貝闕得一橫樹扁其山扉雖撈丹雲掛皓月不爲遠矣

中朝雅麗各臨門不到靜幽理不尊試上攝山山頂望不知金碧滓乾坤
魚龍水國啓嶙峋採藥居然天上人悟得雪山從此度取金和血灑泥身
非雲非鶴已回翔瑤草千千出祇房人到無名難讀處祗應聞說古醫王
斷髮初來江水寒一莖藥草百般看枯崖處處長生殿不必長生問宰官
端委何曾遂著名句吳當日未清平法王太子無須問一樣瓔螺有弟兄
兩足能尊自作師探薇人去又茹芝無因施得千層樹布與窮崖各度飢
太乙終南天地懸西來人已三千年誰教老子平開眼說是生生大讓天
江南何處不名山無限山靈託此閒試取攝山詩讀過一齊象教失開顏

從攝山西下六章

平昔游山無著涕處惟尼山睹聖母不作母看攝山睹佛像不作佛見此兩處涕下汎瀾耳攝山西
下十餘里過梁武塚凡數處見石駝峙道張髯愕然或完或缺不覺失笑示道德者

野畦麥耕水汎瀾七代香灰濕露團八十老翁心事少藏舟猶自學曹瞞
笏人立馬久擢頰祇見橐駝繫往來欲說太清諸往事領胡已倦不須開
鄴臺銅雀老鏃鋤漢苑仙人收淚餘共是淒涼何足道不甘隨象爲護軍
紫髯石槩已無存莫問寄奴舊寢園唯有銅牌題鹿角曾經天監放生恩

四十七年風物斜瑤燈火藻自皇家遺葩合化多根樹空結菖蒲一宿花
太和元魏不從戎宣武暮年復陷空怪得臺城新破歲高澄先鎖含章宮

齊山二章

齊山同丁介之小眺山以郡名爲郡守易姓是日出池湖微雨介之適自越攜小舟至因泊山下
雨色何曾礙短筇長堤畫舸試從容湖光不怪人寂寞坐摘千峯漫暮鐘
海門不見瀟湘水池上難裁秋浦雲詞客作狂今盡死欲留佳句與誰論

登岸便爲池山曲磴盤旋不數武得九頂洞自洞北出多奇石中度橫岑爲小九華九石宛然矗具諸
相益東爲華蓋洞下望郡邑若俯磯渚還度橫岑爲三清巖有東萊晦翁詩皆可觀下憩岳亭遂逢
大雨與介之別寺中明日乃上九子六章

相公墩下鰓魚肥太子磯前白鷺飛不信蓬瀛能蛻骨現前瓜角掛衣
翠釜芝盤百步移引人著勝浙支離空山撒米成嶽瀆猶是天公年少時
百鳥銜花半上臺乖龍縮項鎖枯雷不知擲杖盤空者何處談經得復來
玲瓏最是小橫岑九子居然坐擁吟不是南華親寫照安知奇快在中心
五里山當十日游一拳石作百金酬僧離吹笛引人去畏使山窮風雨愁
品岳亦是可人亭少得微晶下灑領雨夜維舟圖看瀑 放出九華青

離巢鶴子攪松雲何事寒汀憶鷺羣已到拋身無捨處更垂絕壑踵三分
百丈千簫自不明隨風裂曲領空行青蓮死後天寂歷賴有孤峯筍磬清
惱人毛羽失翻翻枉有奇情天外懸四壁孤祠風雨裏當時藉草亦安眠
酣興何期不壯懷八鷗羣從各登臺古人不見今夫子千里青鞵破浪來
除卻峰窠蝸子間峯峯一一似家山月明倚杖過溪水疑在盤陀嶺下還

浮山逢一僧乞詩六章

到諸山不達識者維此山一僧似曾面過借諸生乞詩復書示之

丹崖何事輒相關芒屨欲隨鹿耳班不是茅扉扇不住世間別有玲瓏山
毛髓重生鶴夢前鳥窠鬼窟各流連可憐避暑珠簾客闕地藏冰未敢眠
靈山仍不費攀梯天上無言桃李蹊屈得峨眉來下拜鳳麟兒子方壺妻
龍鼉窟窟鮫人頭滅炬吹燈安可游正有霞杯憐爽塏雲中君對海神愁
半笈枯囊奈爾何繡坪雕甍自空摩山身定是瑤臺匠不與村家結小窩
拋官救客豈人情覽勝拋家又此行不值此游眞勝絕驅羊空愧舊家兄

已出浮山將至匡廬阻風湖口望五老一箭耳而波濤北湧如在海中憶昔少年同劉魚仲泛一葉出
古雷山山在海中萬里一碧不知上下復爲何物今在江渚中便牢騷乃爾阻風既兩日舟行不過十
餘里前後兩孤如舟有旋泊舟牛頭山下稍出南望見南風捲水噴如層雪磯石吐沫作丈餘白鬚願
視僕子勿怪北人欲以湖傲海也攬筆愴然復成數言八章

如此江湖亦苦人一分波比百分塵魚鴻不識人間事盡說逆風適羽鱗
尋常濡足海東頭忽見潯陽潮水愁破浪少年今白髮不成翻買釣魚舟
布帆亦自有安期誤奏南風初烈時無數浮雲刪不盡空吹野水上橫陂
雲簾谷水未瑤華便遣風濤護老家莫怪三山瓊圃裏時常望望使人遐
一番意掉有追攀各有魚龍虎豹關拋卻隻身江上臥風根雲樹一齊刪
噓雲呪雨掃江流祇在香爐咫尺頭清淺看人時數少合移屐齒到高秋
篙神自老水神尊到處常知有待煩記得龜齡船子裏微芒書雪不開門
少年嘗放匡山道今日兼焚栗里車白鹿足長江水短紫霄祇憶未辜書

二日繫磯中已爲攢眉尋復大風坐版蕩者五日從舟人買米不可得憶昔謝李游興最豪所到達人
攀壘結纜大奪靈氣末路蕭條惟杜少陵耳僕初發願自攜杖屨與游納丐子同一周旋何至取忌江
山便有少陵之歎要當堅豎此興不爲孟婆所掃八章

少文高識已難酬不作畫堂信臥游風雨極天無鳥道何人動操對孤舟
簪蓬莎渚數浮沉掉首危檣日夜吟似說空山無好處搖搖雲樹擣江心
似此天吳結馬銜趁潮安得有歸帆江州刺史不相識會說當年淚滿衫
擘流傳自有江神畏向小姑山下陳卻是馬當行已過青牛道十未通津
笑煞疏狂掛犢禪片時不肯候朱門祇今五日樓江渚空使匡山傲至尊
落星安得鎖明霞白鶴徒憐貫月槎憶得諸生游海碇一時並馬弄荷花

低昂天地一鷗鳥估客酣呼意不殊身亦海門坐臥過莫將杯水笑迂儒
千年車馬破雲團山比高人心手難我是尋常看山者不妨卷幔與人看

樓湖口島中六日乃得渡一小渚備崖走十餘里至大孤塘望大孤脫灑凌波雖欲從之末由也已四
章

空茫雲樹隱江神七日徘徊洲渚平白鳥怪人無一事苦吟空使夜潮橫
撼磯波與孤山齊風色欲橫天意低百丈斷虹衝落日數聲疏雨在橋西
鯨魚西吸嶺雲忙菡萏自分彭澤涼欲結兩孤成並蒂美人甘在水中央
憶十年前江上游凍雲濕雪鎖江頭于今又作逆風鳥不趁熱人趕順流

大孤塘覓筍巒上匡廬甚近值北風便回發舟無何風又息然自湖中望峯甚親不似身在九華四章
醜沙復日已難禁尙有橫塘十日陰一陣涼風催畫鼓雁帆百片瀉江心
催輪遠往爲香塵難道雲根亦惱人自是升沉看得慣等閒吞吐自家身
層崖十里信摩空一瞬帷天杳渺中我自開眸無怪物不驚坐起蝦蟇風
樵蘇僕子引茨還分纜將篙意未閒誦得古人真切語故鄉無此好湖山

廬山詩六章

南康至阜麓僅五六里西北十許里至白鹿洞體勢似考亭環結差小洩水易徑但倚五老足命兒
孫耳山行四五里至白鶴觀不聞棋聲西抵峽水便爲樓賢樓賢久廢乍興創不其住僧顧其地甚
幽勝峽中橋亦不能數月以山材度之平橫數十步下臨方潭杳窅碧深殷雷所趨踰峽左上數里

有萬壽寺右踰嶺里許爲廬岳祠祠右得瀑布數十以在叢峽中無停盼處不得與開先相屬從
此臺上廿許里差可喘息北出五老南出漢陽此其中道也五老道中六七里僧皆廬居一再度嶺
循壑東下至三疊泉爲五老盡處泉三級瀉瀉下爲瀑布踰峯望之粲然截玉還循崖而西望諸東
峽巖角然可畏也凡廬山骨立眉目可辨者惟五老諸峯耳已至峯巔則皆負土曲壑環邱自爲向
背每滯鬱四塞茫然灑雪奔濤尋丈千態如梅雨村逕中無復奇峭嶄巖之致幸小霽清拔足上五
老東瞰兩湖可釣盆沼西望潯陽如滄魚脍垂踵大劈嵌數百仞嚮諸幽鬱差爲洗滌矣從此還中
峯爲屋脊嶺三峽平瀉中稍回互亦已有僧經始其中西北出六七里爲講經臺可望三林是在九
江之陰稍出小天池不見所謂天池者還至大天池得兩泓在寺中寺殊勝於池也從此東上得佛
手崖爲周顛及諸道人祛練處碑祠具在其崖委蛇一里許紫翠相峇下嵌百仞左一巖已具足覆
數筵中湧兩泉瀝於石好牙 宛然度其右巖在崖窪處可繫也凡山無洞壑即懸崖百仞如陳於
陵不可執手更從梵宇中行從小兒向米菜市耳廬山北出皆廬南出皆寺惟此差具洞壑惜無復
經理之者再度壑至黃龍潭又六七里至金竺坪南上六七里至仰天坪皆與諸廬別南望下霄
瀑布隱然更望漢陽崖徑差池不復可度矣還至中峯得故道下山過樓賢二十里至開先寺將至
開先四五里許得五乳峯又稱七指東峽中豎甚可觀開先亦蕭索不能及古然其兩瀑懸紳至今
無恙也右瀑建瓴千尺俗稱馬尾遠射木末左瀑垂簾數十道高與之平上爲黃崖尙有茹居其中
兩瀑奔瀉倍於樓賢下瀉龍潭響振巖谷東向諸峯從匡廬跌出迴視兩瀑爲此山之旋支上直紫
霄東臨星子匡廬之勝略具此矣從此西山爲建昌道踰小阜爲歸宗寺亦有懸瀑以雨甚瀑水蓄

峽不能復游也

千仞危峯睨碧天不從人作小家妍試來絕頂看廬嶽那得拳毛當世憐
攀簾直上三千里織徑更穿六六峯一壑一谿如野僻祇依雪浪有無中
不經亂壑莽徘徊安得四垂瀑布來人在廬山山下過空疑白日有風雷
非濤非雪數迴峯知是雲根萬壑連若使此山皆骨立居人猶未得高眠
分明轉轂日輪中箇箇峯頭湖水通不信湖山同過海明朝瀑過海門東
江水西來湖水陰右庭左蠡自高深此中嘘吸能多少盡得高人不住心

走五老絕頂北望浩然便有少室三峨衡陽九嶷之意適僕夫從石下採巨葉數片云此廬山當歸也
歸材甚佳乃悚然從此下山感而有作六章

半生纔發採藥願藥力已減出世心此處豈成招隱徑山靈突自寄歸音
人閒出事已難了天下歸材各自嘉五嶽未曾親杖屨一邱何處認吾家
萬里拋家爲訪山山情相照亦閒關至今乃悟出山草盡爲無材失往還
江湖暮長倦斜陽知有家人旅夢長血性男兒多錯路奚囊笻竹少商量
木奴不樹未成團縱長何能便救飢三秀瑤華攀不上似應且駐問苔衣
鷺鴻落雁久支離猶是行歌帶索時便道有山游不得我歸何處訪安期

將下山西過掌崖望其崖右爲九岐峯一僧新卜築問其名狀故與予相識遂不復過訪夜宿黃龍寺
留詩示意四章

何處雲哇憶舊游游人空自記春秋匡山顏面猶如昨纔著霧根已白頭
危巒何事苦相關終日振衣杳靄閒正是紫霄行未到到時依舊是空山
仙掌崖垂貝葉函黃龍燈下夜枯談墨華落蓋隻身在不放崖前百鳥參
亦去鋤雲結短茅鶴輕不壞老松巢廬生若士誰彊建六尺根芽各自拋
下山至歡喜坪值雨憩草寮中有僧自金竺坪馳至出素卷索詩灑筆以晴爲限雨久不止遂至六詩
銀河串地出湖烟白馬驅山貼翠天自是故園常看過特來廬頂便蕭然
爲厭波濤來嶺上翻令絕頂亦狂濤定知簾谷霏微外未必兼葭濕小初
一兩百瀑匡廬水一峰千態匡廬雲似爲避人權設法不應避世又逢君
巴谿楚澤望中來又被雲鬢直捲回世界總歸蒼莽裡老人莫作少年猜
黃鶴何期閒倚檻廣陵今日又觀潮始悟滄桑翻一瞬祇馮鴻眼下层霄
嶺上更無棲鳥語秋蟬先學老猿啼一聲嬌婉穿黃竹知是晴烟古寺西
入靈巖至天池四章

天池當華山右峽中石罅水瀉值小隴闌之一泓耳古寺皆廢爲毛家塋意其前時紺宇當門內外
精舍踞巖臨谿如雞頭實當復足觀也

離披梵宇巉崖中百尺菱荷浸碧空鐘磬倒垂雲影澀一行石馬自嘶風
擊瀾迴樹意亦幽不分禁足與藏舟人閒別有長生殿鳥迹松窠老上頭
種蓮易得千葉種鑿石難逢似髓泥琥珀斷然餐不得呼僧更撥雨中芝

楊孫八尺已無賴，都構千層亦枉人。集得芙蓉橫木末，荷衣香佩自宜身。

憩華山詩十章

華山寺於諸刹中，最爲幽雅。庭鑿石池，以亂石砌之，如家園。義山擬四築莊之使，方整未辨也。後閣有三胡僧，日夕遶殿，問之，了無所解。云得舍利，施城中，建塔不復。借觀憩寺中，欲俟日出，觀華頂朝曦，值屢倦，遂止。

一樣蘭身十樣舟，碧筒素藕各安流。便將平地拳華首，莫作青柯坪上愁。
千載龜竄別戲臺，攢空雲葉共徘徊。西秦仙子閒無藝，又與吳王陸博來。
開齊佳齒絳含香，縱不削成亦四方。印取一庭中夜月，更傳法照與空王。
破盡芒鞋結翠岑，通遠當時擲杖心。駿馬香膠同心盡，暮鐘別自解梵音。
胡僧百拜禮西華，但說華山亦到家。萬里見人形似喜，飛來鷲嶺各噴呀。
江湖石子別夷猶，不解高談亦點頭。試誦掛頭千百遍，狐神蛇鬼失開眸。
穿射日光百變殊，君家自有摩尼珠。莫將五色矜牙頂，羚羊角掛紫珊瑚。
羅浮頂上曬朱霓，五老峯前雞正啼。不信日觀觀上事，又從鍊嶂上鉤梯。
尋常海嶠見朝暎，空何山中禮日軒。翻憶青藍扶白練，人從何處望吳門。
一日每翻十數嶺，百年合掃幾山雲。操蛇欲捲千峯面，自對奚囊訴紫氛。

天平山七章

天平山下池蓮正，開主人移宅軒館洞然從。白雲寺更陟山巔，破諸洞峽周迴石笏望。陞上橫關朱

關雕臺差池如林與山石相亞亦足樂也

碧藕穿山寫自然，不知紅粉坐田田。繡閣畫簾開鎖日，主人長在小窗前。
暑氣黏秋未敢涼，偶依杖笠問荷香。茶爐卸火團青石，一縷寒烟上竹房。
仙人倚醉倦投壺，暫得朱闌翠篠扶雲物。猶分餘巧去自銜，六箸坐呼盧。
岱華骨髓峨眉頭，千尺松崖十二樓。正在中停看四壁，臨摹愁殺老僧繇。
尋常龍象各登臺，少小虬髯作煮來。不是幽奇探得慣，真疑鬼斧墜雲隈。
結束珊瑚百丈懸，縱無瀑布亦轟然。便教雲脚穿將過，一半蓮青獅子前。
峯峯壑壑足安排，擬作烏猿百叫迴。破盡雕欄千種態，不須斷峽一聲雷。

西尖八章

螺髻尖頭千不羣，萬山空作水皺紋。眼中剩有青眸子，不著呆松與凍雲。
兄季崑崙天下無，青天兩照亦妨孤。許將平等懸東目，別放毫光射碧巖。
巨靈殘構久峨峨，百疊飛甍覆紫駝。盡道風秦橋不就，禹王碑字早經磨。
經幢座湧幾屏風，尙有堆書亂架中。三足烏蟾迷鳥篆，絨將苔蘚寄晴空。
石梁架下半爐雲，親接異香分外聞。縱有靈芝猶臬耳，玉皇案吏苦離羣。
雷神祠化古僧巢，龍穴雲回蒼鼠羣。賴有老松知故事，每隨風雨捲秋茅。
裂峽崖頭玉柱西，一坪一壑足幽棲。藏書莫問張公巷，管得青雲過紫溪。
行囊茶笋累門生，兩屐自當藍屨輕。傳說去年珠履客，三千佛火破涼城。

白嶽詩十二章

丹砂裏裏珊瑚山九曲珠穿一線關靈物不嫌雞犬隔白雲幽澗自迴環
我亦雙眸萬壑歸香爐玉屐世應稀便門東過西雙關鸞鶴猶新造次飛
石樓香廡曲勾連每有形模動宛然一澗一峯分細細紫芝朱草殿中邊
瓊樹潭成玫瑰光浮山令弟武彝兄祇因佩服聯香火誤使人呼小武當
粉湖雪海繡溪田烟合烟開神鬼憐紫府鑄成禁不住自題副本與重園
錦鉤池子芙蓉城七匝鶴一日行不是真人貪小巧香肌瑣骨法身輕
看山不復貌山峯五老三姑意自通尙有無窮名貌處等閒霞縹與雲封
珠簾珮雨自無塵不爲號呼動四鄰帝子養仙如養鹿習聞人語亦安馴
膝下疑兒嬉哭來投懷投足語難裁不將雲樹排黎棗那得人人愜意迴
烟霞力命亦須疑如此山淹唐晉時天寶已穿真烝漏青牛常自笑支離
刊名就實久難磨不藉高人染薜蘿豈有天工徒好俟枉教百鳥禮丹窠
津梁不厭百灘泉洗足燒香共澈眼耐得千千市井沸此身應在玉皇前
齊雲山中忽得吳南陸侍郎拜葉明府書六章
偶同許邁辭家日不似虞卿棄印時擔傘孤身七百里護封書至有誰知
幽崖何處得喬聞自對秋蟬歎落雲忽有人傳舊太史道傍知是故將軍
先朝殘却不曾償蛋談孤貧亦未央未敢開緘關來目自攜破靴印蒼茫

沒樣穿棘尺書來不是心知安敢裁怪得道人何苦惱無端墮淚濕紅灰
投山何意逢青鳥爭席自然讓野人愧作翳蟬猶未密解囊更換舊衣巾
倚林結屋此未能骨血猶如不斷藤每有西風同發歎十行終夜坐挑燈

黃山雨作伏枕有詠四章

日日搜山山亦愁烟霞二豎雅能謀微欲引雲中翹先瀉流泉到杖頭
軒轅故蹟已空談訪道何由得駐驂千尺芙蓉萬尺水更勞風雨閉松杉
奇疲終亦愛清剛畏值曉巖相對人卷卻數重青霧殿臞仙猶未逞眞身
紫鳳冠頭注翠瓶蒼龍髻下解懸鈴不因遊倦收雙蠟未放萬松自在青

徑山詩四章

餘杭西北入徑山可六十里其山徑道四通壁支回互所在成圖如截匡廬之頂置於隴阜也山陰
多竹山陽多樅其上五峯距如拳指中坳方廣以爲梵宮右循三池上出凌霄可望天目其下旣爲
天目徑道左還寺中竹逕松杉與石崖相亞緇徒茅脊俱隱篁中可五六里幽邃怡人凡此山以徑
自命東出餘杭西出臨安是爲雙徑又有徑道別通競出幽奇予偕何義兆從雙溪西道行奔壑中
詰屈崑崙似建安道上知此山名徑不虛也

長杉細雨鎖秋空翠竹穿天百鳥通領得碧聲聞落葉不知展齒滯高春
栖遲小草已成塵誰憶夷齊與晉人八十一燈垂木末一燈一尺照縱身
鳥倦雲寒白露初不因擲杖悟迷虛木樨經燭佛前火續探高僧方外書

鏡崖雲碓瀉威夷五指峯深老不知鳥背自題天下徑未煩天目領盤眉

與義兆登凌霄八章

雨霽稍出諸徑觀諸昆盧遂登凌霄時予有河魚之疾義兆亦扶病新起

菱荷初卷薜蘿殘半杖龍尸各護寒山鬼經秋尤怯弱畏人扶病取纒
百辨杉絲石髮垂空庭鍾磬冷多時如沙教子談無學更殺青梨付與誰
解事闌黎事事難一院穿衣一院餐頑石自成門外漢知無火性爲誰看
織竹窺簾徑徑中剝泉引水枝枝通千尺符筒成派字不知竹派自家風
寂照堂西壁水頭上池橋次石蒲流紅絲水蓼橫開徑蘭菊誰家做素秋
佛爪山中橋柚房鳥窠宿草各含芳別欲呼茶名瘦友無人號竹爲空王
斷峽中條語未刪島可當年不掩關箇箇齋頭詩本子亦是江南有韻山
迴樹曲折水分榮約似匡廬上半層西望雙池猶極目白榆星引琉璃燈

道中逢胡僧四章

自凌霄歸逢胡僧暨指道中書是華山所遇又來於此行脚遞荒與異物相逢亦足恠也

獼猴鼻眼紫檀衫不向枯崖坐結庵到處相逢誰急足一般流浪未歸龕
啼猿語鶴莽相求共有珠光惜暗投不信長空空道關青鞋昨過華山頭
劍頭如水杖如風不畏相逢狹道中無限山精當面過習知姓字與孤踪
麕皮屢尾各支離碧眼方瞳對燈時不作漢 通一語人天何處取導師

初至三過堂覓子瞻遺跡怡然遂乞火過雪橋下口乃還憩梅谷四章

壬申○案大滌函書作與
義兆之徑山信宿梅谷

煨柵燒荒草復青古人三過尙題名崇圖鈔子輕於紙空有殘碑對化城
古本陰陰記昔年鶯啼新火約雷連半生過此已難得那復重來說舊緣
髯翁心眼各空青勅斷花邊寫藏經祇今安得吳道子別寫蘇黃寄杳冥
靜猿慧鳥此侵尋不分殊靈與聰琴後人會識徑山雪別似當年寶月琳

案會大滌
函書作欲

大滌空山初宿李忠定朱文公祠次四章

九鎖空山禾黍深御書紫誥已沉陰直曹願作老提舉尙有衣冠照到今
駕蛤何時不化人沙蟲猿鶴各能鄰迂儒九死還初服不啜靈芝亦總眞
碧霄帝子貴清虛盡教儒臣棄舊書先學上天後識字當年先輩已趨趨
胡馬開消三百齡墜垣猶自歇精靈仙釋自然小天下迂儒祇合坐空庭
病中尋大滌栖眞歸雲龍蛻鳳鳴五洞十二章

山靈仍不藉蠲除漢殿唐碑荒草餘文學死來高士少幾人此處坐研書
園蓋洞中平頂頭常疑上下有層樓華陽東道深如許洞底眞人閉玉螭
天然巍閣嶺西宮碧藥園晶呼吸通赤帝經秋新灑掃青皇避暑又涵風
神禹危栖偃仰時巨靈不敢奉支祁世閒無數龍鼉宅盡對蝸牛舞柘枝
歸雲深闕已難量尙有飛簷架窈房自是山人無好事休疑眞宰隱文章
翠瓦罨樞鬼琢成何當竹筍欲穿平腰鍊手鋪誰相借自放白羊日夕行

龍峽嵯峨百尺門窈然一曲卷雲根垂胡著眼已如此何必風雷更閉藩
迴廊曲室錦簾垂各有興闌歌定時鐘磬空山包得住如人園肉坐彈絲
莫倚峨眉螺髻尊亦須瓔珞錦文鴛穿雲禮石幾人去空向綺黃問故園
雍門抱瑟初談日素女開絃未剖年井龍尋常風雨過不妨笙管再周旋
名園開落亦芳菲南國經邱如此稀水石千春溼不得麥舟傾蓋未須歸
孤松殘石各相關何必孱顏萬壑閒人比伯夷猶未遠不知薇蕨隸何山

大滌山中郭彥深勸駕八章

漢室明光有故宮規模不與六朝同山河舉眼猶如昨祇在孝陵鐘鼓中
鼎湖龍去遠難攀幸有岐豐天作山萬里黃河淮水合於今果是玉門關
杳然玉斧割中原杜牧無能著罪言名士定多營鬼窟將軍懶作觸瓶藩
健鬪羌口未息機虛名終陷鐵城圍江東不信謝安石肯向征西解荔衣
天意憂危天步艱中庖擗火幾人安白頭不發熊羆夢水冷羊裘共釣橋
戰克淵心不可幾卻萊墮費已多違平生冷笑夷吾老空包抱茅塞楚威
芋栗空山賦暮朝人才久已失韓蕭應知百蜡尋常樂不問負薪舊老樵
看誰叩角已逢桓正是君臣魚水難離水祁山猶不就當年空捨竹皮冠

水冷一作合與

和王覺斯見寄

巫陽不識古靈魂窮死明生盡帝恩九首豺神今盡落一杯椰酒奠王孫

君臣一作南陽
遺水一作六出

又和見懷三章

頗聞塞草悲春霰不獨江蘭怯早秋薄戍戎衣無鎖甲當年空卸單于頭
避雪雁行不怪疎羌胡筆策復何如明妃一曲斷腸操祇爲和親舊日書
每見新詩思輒慙更無詩序寄青雲詩人不足酬君事盡把青雲寄與君

又和寄謝二章

彭老前頭八百春姬尼頂上有高人不知鐘鼎成何物燦燦星河掃玉塵
鳳韶杳杳鳥啼多不禁巴歛共楚歌回首三年成隔世更無東岱與西峨

登越王峯六章

絕嶺欲看全越身雲簾猶掩舊家人此中豈有真西子故遣屏翳老效顰
梅雨多應不看山山心不與雨相關特來此地採山骨不因雨態不開顏
藍翠居然繫箭牌嫌無芒屨與青鞋京城不少沉香火細婢梳頭坐小齋
遲晴呼屐已淋漓遺借楸枰又一時暮聲莫共簷聲響佛火燈花亂所思
登臨何事記當年虎館鷹巢老舊緣縈帶半隨荔薛盡常留石髓寄雲泉
傍基袖手我殊能尙有餘才度紫藤欲挂鏡船衝雪岸不知誰與共擔簦

壽陳乾初二章

雲門山長老談經宛委高松千尺青新意舊箋亭子外任教鶴隊入雲聽
載筆穿雲復幾人如君王氣遠吹塵不呼鳥爪擗青背撒飯留砂事事新

雨歸溪頭見諸友蹠洗滌次四章

千仞危峯帶雨游縱橫萬壑與爭流不知苦行越王佛可似定情范蠡舟
馱駟超母自權奇拔足追鴻年少時老大童心猶不盡慚看花象與螺師
山水蓮花沒軒來從誰逃難拔身迴袖中可有和熊藥與洗山南白雪灰
失計胥濤妬比鄰三千犀甲護前身重來捲土君休問未關鷓羣寄水濱

五日自梅溪過項里六章

永和上巳傳千古午日宏光又一時半局殘碁皆碎著幾人更有未完詩
碧眼荷錢浸畫舫更無人說古蘭亭家園茵茵燒紅葉醉殺榴花不敢青
稍過梅山已放船欲看項里再流連讀書學劍成何事復管人家上水田
黃梅雨湊鯉魚風故園簫鼓亦江東贏得扁舟閒自在不知身在鏡湖中
懸崖石塔古畫圖又見辟兵五日符愧向殘碁銷展齒中流可有鶴聲無
通橋曲院半朱欄新乳雞頭未破寒北地人來難買宅裁將荷葉與船看

送陳章候五章

作容興公常自貴多情園度未離家最嫌入幕徐文長五洩峯頭哭暮鴉
龍壑空潭古鑿餘仍煩餅餌游魚世閒多少精微事莫纂今人舊日書
萬卷牙籤古世家隨君種竹與鋤瓜七代漁人談底事不關春水放桃花
弓兵在處攬熊罷可是高人弄筆時中夜鷓羣聲不絕更無精墨度人師

聞爾才名三十年等閒揮灑黃金千看人接翅成鷓鳥不向象王乳下眠

題別葆素洞山四章

江南幽勝半經刪未識君家招隱山天上真人都癖懶何時童老健飛翰
曾許題詩久未成不忍名山易著名陳衍方丈詩句好印來潭月十分清
石橋古寺水西流蛟窟天河灑上頭不信此間情致好主人猶作十年游
桃溪瀟海晚樵風盡在畫圖夢寐中處處青山逢鶴箭無人寄與鄭司農

題畫松似友人四章

歲寒風致老當家確不爭人頭上花縱有雪山平馬日應無青鬣為兼葭
不待鶯啼初變禽掖梧院柏已無音菖蒲一夜花開盡未識高巖幽澗心
封壇遺迹那能圖散木居然得董狐幸有此翁筋力健天傾不倩竹相扶
連巢何處結雲親共是未彫風露身我自不堪支破壁為君斃棟禮千春

鄱湖舟次二章

一番意棹有追攀各有魚龍虎豹關拋卻隻身江上臥風根雲樹一齊刪
噓雲咒雨掃江流祇在香爐咫尺頭清淺看人時數少合移屐齒坐高秋

石阿偶作十章

從鄭白麓本墨蹟一作橋園偶
詠多七章乃下山齋雜詠也

安然竹葦老吾盧蛇蛻閒團碧艸餘不向江湖弄明月鯨魚鬚髮嫩於蔬
野燒連天斷雨絲精狐文鼠共焚芝道人欲賣濕雲去猶記顛狂墜鶴時

案竹葦一作心
湖一作心
案頭一作心

漫此撚香蓬艾中濕屋蘊火謝擔風前山噴薄緣何事祇作蒸籠煨乃公案一作灰噴薄緣何事一作空得爐烟意祇一作又

眼簾深向碧溪垂蟻路平穿到屈龍便使桃花重醜面不堪月下乞蛛絲

積雲已化爛團禽甘艸難翻苦竹心莫怪夜鳴頻感頽依然白鳥上緇林

黍谷瓜園路已平麟麟骨相未分明千金解角題山子猶是畫圖舊姓名

許種溪雲十斗賒牛欄鴨路各當家鷹鳩團本看無恙九錫閒分梔子花案十或作百路或作桁

熱雲不斷鐵鷄子野水頻枯曳落河出處弓刀身手好祇無人穩坐魚蓑案一作鷄枯一作呼

濤斜褒谷亦精能井竈何曾失準繩縱與木鳶翻楮葉勿教龍燭下張燈

已勅龍賓歸墨碗閒拋虎僕息當年鄭本補

徐霞客自 陵來訪山中不一日輒搜奇南下覓籃輿追之 百里乃及相將於大峰巖次兼訪劉完

公不值阻雨分關各得十六韻見浙中倪黃合刻

鹿豕追羣天下無四千里不停斯須剡舟直望南天上山靈莫笑老人癡

豈無山鬼不開懷雲樹仍將鴻爪埋不信呂稽當日駕曾分鏡杖與芒屨

墓下松新未老雲林疏山淺合慙君悔不結巢黃海上銀雞皓犬試殷勤

投杖成龍去莫尋銜書青鳥尙遺音此生便使無雙足猶擬扶籃過道林

薜蘿山長亦稱雄未畏道人屨似風放卻鳥身一百里依然鶴伴未開籠

緩步先歸我亦能曲鉞頑石各何曾萬事讓人騰湧去讓誰先接手中藤

憶別華陽三洞頭小船夜去不勝愁家園未透包山洞况領銀河何處流

井欄語紺意未窮錯引駭駘東海翁里巷危巒空老大不知人慣履雲中

湧霧堆霜風雨滋炎蒸正值火雲時清秋過此能多少悞聽蟬聲鬧採芝

展靈未遠鬼能猜不合衝炎冒雨來遂使此峯成突兀後人輕指青坪哀

玉室金堂何處看愁分許邁自臨安洞霄講舍荒初業空屬流雲寄掃壇

九疑兩室語模糊一一從君領畫圖黃犢少年行不到白頭風雪幾時蘇

上格真人不署銜閒分真氣爲開嵐鈔丹擲劍兒曹事無數石頭不放參

積艾焚山今已句枕中寶字各停搜名賢不喫明光草海上新書寄碧巖

少年曾此輟攀躋凍雪播松十丈梯每道名山藏拙樵老來相迫已如泥

山南山北舊開帷書罷柿蕉已十圍餉 燒猪今已矣首陽人自準餐薇

口占候倪母前慶二章从別本大燕函書補遺

種松已作老龍髯勿復青霜白雪嫌帝子乘雲相攜手依然華舞近珠簾

北堂強飯且加餐千古聲名一日歡知廢知興二母事看將仲虎再開壇

偶見鴻寶遺筆

蕭然墨菊老披離不見高人動筆時世上風雲俱艸艸傲霜空有兩三枝

宏光元年夏五朔將往六陵阻雨是夜夢倪子新作詩有北窗收鶴足二簋散禽齋之句覺語諸兄云

是且歸矣諸兄亦無復入六陵者已而人各趣裝還郡予獨與獻汝熾舟過柯山因用爲韻各成十

絕

鐵騎已橫澗水北戈船莫到雀橋傍八公艸木靈如許况是風雲舊帝鄉
搔頭弄馬復當窻不信羌兒欲渡江中夜去梯謀甚事千尋鐵鎖封銀缸
西風偏送楚帆收金印何曾醜虎頭記得開平還采石當年猶未肯封侯
定有高軒承戰鶴誰將割蜜復驅蜂新亭手板頻頻倒莫使游人折短筇
天際真人休歧足樓頭老鶴已抽蹤青山不染杜鵑血日落紅霞自在紅
鶴虎桓桓誰不貳羽林若箇是孤兒珠槃燁盡無牛耳空送人頭與月支
一撮塵塗成土簋年年玉璘賞渠魁江流入面環揚子何處兒墜馬來
不是王何愛蕭散祇憑蠻角鬪枯涎山頭處處呼廷尉又向江神賽紙錢
春田三祝未遺禽豈有飛鴉復頰林飽虎飢鷹俱突兀祇餘蟋蟀小堂陰
兵去深山結小齋竹籐麻幘老青鞵平生不識運期耀誤向君山叫鐵崖

黃潭浦集卷五十

七言絕句

山齋雜詠贈恒如慈周二上人二十章

鳥雀喧天天不疑可憐天夢失龍影稻場六月棲鷓鴣不是風師是雨師
千行鹿乳斷慈雲十指檀香不敢焚自向長松投筆羽盤空頂踵謝氤氳
雙鷄飛墜犬羊屯不謂軒高鶴不馴買盡黃金描虎目輸將青粉畫霜筠
蟻旋已到鏡兜半鹿頰能辭金轡頭老去不知牀上下一隨籐竹臥高樓
何處蘆花別塞鴻不分野火上焦宮許多白石南山事盡在空齋魚鼓中
露盤風碎鎖金繩曾向銅人別未曾百丈青松掛展齒不愁猿掌斷疎籐
無礙疎風過竹林何妨看鬪坐彈琴共說蛟龍翻洧水小龕閉眼未安心
抱甕倦多午不鋤蹲鷓引子上籐籐退光寶劍昏於漆給與鄰兒割晚蔬
散髮布沙成細迹垂肌救虎已難摸燃燈夜燼三千卷畱得天王歌利圖
囊駝項上坐鷓肥罨畫簾前捲燕微不合扣舷投竹杖滿汀鷗鶴一齊飛
緣檀百尺小垂時不與輕狽說便宜平地放光無巧力燈前孺子墮青絲
燒卻明珠徑寸灰老龍合爪謝蚌胎月光透岸穿江水猶有魚蝦驚跳來
肉鬘金臂坐空山蚊蚋斜飛虎不關但有數行人面笋夜闌螺鼓不曾閒
風雷可惱蟄蟲無牧雨催花破鳥斂怪得夢餘無蝶氣猶將殘粉弄花鬚

案旋一作
盤一作挂

案共一作見蛟一
案躡一作潤
案鄰一作躡漆一
案一作躡並誤

解衣刺棹且高歌未見傾巢到鳥窠儘有橫江舟不渡千金脫劍買漁箋
依簾鳥鼠護經牀雲磬無心度短廡破法不干敗鼓事逆風全在紫檀香
百神瞋首臥南門縱有神師不敢言自禮石頭千滿日一齋簫鼓導王孫
巢陰曼旨結花城賺得捐租百菓平笑殺駝駝疽出背鴉羣猶在嶺頭行
鋤園汲澗罷朝春日暮何曾得倚松不是主人焚義卷霜晨開擔復鳴鐘
秦岱峯頭碧瓦飄高人樹底動驚瓢兩翻甌憤隨秋葉無數帆風過晚潮

山居三十章

解擔依家春復深別無一物足關心稻田不給師松子筆塚新荒付竹林
十年梅李已成行宅險居平罷較量雙膝曾穿幾寸榻百錢猶聚一匡牀
雀羅庭下領蒿蓬亦有蕭然千古風不謂無才擾物患應知身在太平中
倦臥貪看山眼青不干人醉與人醒窺園忽憶陶家令五十辭官到百齡
開門走亦不關塵祇覺禽魚日可人捨卻一身爲藪澤管教猿鶴事親親
少年終未免粗豪抱膝無端想二桃老去姬公猶不憶兼葭聲在刺魚劔
一髮繫君何足驚世閒畫棟未堅城秋風不折獨搖草自理藥畦種杜蘅
不談邸報已經年省得社頭爛紙錢柿葉蕉花俱德色勸人千勿惹松烟
逆鴻揮手漸裴回山鳥向人掌上來不是此身輕作餌入羣久不事相猜
秋冬射獵那能宜表虎醫羊歲幾時依舊書生初學字俱無法律是吾師

芸窗任多風雨淹終年手口事窩簷看無一卷頭將白龜燕窠長舊髯
築塹縛簷事已曾尙餘纖屨飲精能十年手爪經三脫不及天台嶺上僧
木奴未長荔生初養性自應不著書唯有章編翻不斷十行草費百行鋤
半廬細得似青船不奉茶爐與酒經人世華清供養處伊誰曾夢到胥庭
泝泳江湖道路難一坳塘水亦漪蘭尋常泛得菱荷葉便作安帆萬里看
門前雨信縷區雲何必石闔山上聞唯到雞啼潮水長柴桑深不似江濱
鄰墓樵蘇今亦稀偶因麥雜坐忘飢不愁竹老開花去搖得石鐺自在歸
舊事華陽清異天世閒合有冷神仙空山木石私名號盡在尊盧太古前
六籍親疏總未酬燈前猶解錄蠅頭祇因春鋪健長日忘卻琴書在釣舟
轍跡墟深便不煩千錢買鶴那能言柑花落盡蜂衙散聞道帆山有白猿
桃老不爭朝槿花兩扉亦算有人家窮鄉未改舊名字馬牧先生事鬼窟
青童舞劍老攀鞍縱有新聞總不關數樹紅梅開盡也依然翠蛤坐花閒
憶得石猊初下年五雲瓜蒂各句連野人不解徵祥事自插燕菁過旱田
壟方久不自摩娑虎膝時兼鹿箭過豈有折肱通妙理新傳青麵肖華陀
閒將石髓試地榆葛令何曾誑老儒祇是此生頑且鄙羞投晚刺與山都
魯道兒城戲築壇潭教眉眼又團樂自身不解題仙掌別教他人畫牡丹
體物騷翁老白描笑人插艾自盈腰曾從狙嶺觀看過莫怪王孫不可招

一札千行不避囑散心今省得招降不知過此十年後能得方瞳復一雙
空階躑躅老成癡不是二人那得知檣葉松楸看盡禿投懷猶作剃頭時
餘生不爲隱成文祇祝焦盧大莫焚虎鼠鬻羊隨世斷吾身通奉石爲君
雁蕩見陳木叔送徐振之作別九章

吐餌江魚掉尾深驚鱗何處更追尋餅師酒保時交語錯別孤鴻天上音
有翻應知自化山翻空毛鷲尙宜關飛魚上下青烟路不與猿啼訴往還
焚車屠馬爾何事弄鳳嬉龍我不如寄語蘭臺舊藏史安期初不讀異書
鮎龍白日自相訪江海居然不可方刷盡落花希有輩載誰萬里共翱翔
羌魯東西何處友椰鬚象鼻一虛舟位華舊作婢兒事絕倒崑崙老上頭
虹汁灑人白髮遠燈花炙客旅思繁五湖硯底星星暈縮地工夫不是丹
老來最敬蘇公業近事休談馬少游閒卻一身成野客依然項背似沙鷗
藥几藤牀亦自如涼身驚託火輪車平看岸谷成魚齒莫向方壺坐釣磯
遠道白雲安可致能成黃竹老相期遲收不死東方草誤典商顏無盡之

放生詩五章

一年一現優曇花便作茅狙與飯鴉總是檻籠擄去物空煩佛手上琵琶
報恩雀蛤眼空青歲入禪關又破局斷臂幾回成法事不看人寫藥師經
滿簷風雨各胡摸記得眞師梵唄無已識刀絲同露葉不分法水與香厨

雲磬聲柔

迴法王香沼與香臺諸天飛動無名佛盡向刀頭合掌來
天家秘歲少人知寶椀晶燈龍火師再作魚蝦生已細不貪螺鼓鬧津池

偶作示同志四章

松髯黃時白鳥飛石花蒼盡紫魚肥已還東海拋金藥不向西山更採薇
虹殘水弱不通橋夜闋危松自上潮雞犬狎看燼火冷未貪鶴隊在青霄
巨鼈背子不安巢鳥翅危橋靡似茅一自整冠如廁後任分鬚鬣與長蛟
浮沉瑤草不抽牙千丈蓮舟未著花怒寫長松三百尺惱人捉影問橫斜

衣帶詞

蛺蝶飛花氣和風涼花屋重婆婆已向練裙書數字慙無墨跡爲羣鷄

石聽鈴詞八章

溫室樹深鶯語多誰翻故燕與新窠荷香不隔鴛鴦陣又出檻前護鬪鷄
齋壇香起白雲垂露霖恩深園武旂步鞦向來新拜舞晚涼更與射兒
金衣墜子舞毬毬闕空翻笑語開舊日銀鑰西巷口選兒不識取毬回
蒙頭拔袴誰家親纔得恩波敢負身忽報金吾中旨問涼棚徙倚定何人
綵輿何殿過官斜老大開顏道獻瓜近日南衙聲氣好祗談邊塞有風沙
移宮車子不教傳北殿長承過御筵白髮老兒何處去無人知在海西邊
九曲連環一尺絲中間不度有誰知後輩小生眉眼直弄環終有不穿時

玉璫弓響衆開絃龍馬回茵不動輓認取一枝呼萬歲衆人分賜百青錢

江皋 指詞

風濤千尺下飛槭直際蕭條坐不嫌祗樹欲偷青貝葉鮫人仍貢水晶簾

午日宮詞四章

金錢戲罷雪團巾綵縷今年重避兵欲賜百官九子粽外閒弓子不勝輕
畫舸雲機日已排龍胡猶未注銀牌日午諫章看不上搔頭方自捨金釵
菡萏新塘並蒂無開花那得到菖蒲函來黃帕雙條脫誰賜夜明雙蚌珠
午符封璽屈盤螭團扇猶當清暑時內閣近停新進奉殿頭傳語若支離

秋作捲衣詞送鄭峯陽諸公南歸八章

芸鋤芝草亦參差何處峯頭不菊花堆向空中聞打麥直符猶繫老農家
魚龍風浪隔雲關纔見近山又遠山直到蓬瀛宮裡望方知秋意似人閒
空山桂子月明光卻爲空山欲雨霜鶴雁曾經月裡過傳聞月裡更淒涼
鷓鴣微聲百草疎枕中歌哭夢中書南華秋水能無恙慎勿教奴誦子虛
黃金如水滿荒臺玉屑香塵百斛灰吾師藥就去滄海未有傳方海上來
赭鞭鞭石石爲愁老鶴孤飛亦白頭但得乘風數來往海中不見十三洲
登樓日日見浮雲一樣流波百樣紋島上巨魚雙獸迹知誰不是雲中君
一尺明河萬里天枯槁半著亦經年爛柯山下饒金酒莫愛烏銀貫酒錢

遊仙詩八章

霞鏡雪白久分攜秋水邊頭散馬蹄不識青源星宿海當時移到小山西
紫鱗魚鞍控得無琴高海上有高徒三千雲眼圖空藏照出龍領不動珠
藥槽翻盡古誰存蹄兔筌魚各在門不分頑耶來洗足撞 玉女洗頭盆
燈青茶老水安流口快談經又過頭掉尾老翁休竊笑古今蝶史自春秋
土髓傾多不紀年銅壺滴箭老田田欲買青腰來結凍不教銀漢落冰天
桐栢宮前斷峽橋康王谷口桃花潮人閒不識九湖水應放蛟龍上赤霄
十畝桑田九瓊溪不知天近百峯低怪將石髓披將盡又掃殘丹照碧雞
護貧帝子養魚池拔藕誅蓮正幾時一壑敗荷深箇箇愁關龍女坐抽絲

送張紹和二十四章

人帖刻作送張汰沃攜家入山之作當從
之人帖止錄十四章末題己卯二月作

荷鼎繫書鹿角又曾看龐葛舊移家清明潭水新圖畫又有條桑共小車

八帖首句作鹿角繫書駕小車三
四句作清水南門潭溪外又有條

宅南九里七巖閒何處更尋地肺山舊日園繚車馬巷每云弋釣未曾還

每鄭本作可從人帖
改弋釣人帖作游覽

石牀雲笈各關情在處清涼自築城不負當年招隱策家童心亦慕巖耕

策人帖
刻作集

何郎能語已開懷十問九云山上佳萬卷異書黏石髓戲調雞子上高齋

天枯人帖刻作洞尊鄉作
都余今作偶然已作自

思園花發鳥能酬太古天枯泉亦流莫怪鄉亭多滯客余今買藥已經秋
白石橫眉青草扇不遺諸生問五經莫怪姜肱發浩歎明時已不到公庭

人帖真怪
作記得

空梁燕子各忘機幾日暮巫山下歸茶筍今冬應較好伊蒲客饌競光輝
枯魚荷葉足秋燒不是他人墓上樵黃耳亦知成往返數銜石草上山腰
最愛月明照野時平疇百里漑中池鹿門大小多園識別諷鶴鷄舊日詩
一亭一石雅標題又有亭根石齒齊便作鑊船衝到岸不關簫鼓送離栖
三春花氣草平安笑語長明燈下看香案前頭人最貴金身老子是何官
好

鑊限能消幾日勞山禽久亦漑干旄埋將傳檄東牆下笑指鄰翁似桔槔
扶藍猶得多中層除卻顛崖事了藤莫說搬家無驛騎班虬到亦不須乘
版竈上頭斜火深嫌煨副本亦千金牙籤盡付家人典不是珠林即玉林
大牀上下那須論氣盡為蘭與孫社鬼中宵休見慰於菟不用守柴門
北渚清溪或子虛朝川小可事巾車江南五處張公洞不及張君老著書
花壇夜雨石屏烟別有經綸秋水編下釣投竿人已倦佛前瓜果俱團圓
司徒薦草繡衣章未見灞陵今日裝一自空山親杵臼不知藹本為誰香
祝豕字蜂我絕倫思量不敢借郁園為君禮斗扶雙足一歲多生草數根
縮地與雲事有無現前到亦了江湖半生未走華嵩道權作金峨玉井圖
室圖

幽人何事不從容從弟箋書姪畫松閒有新編知石怪先分數帖與劉龔
中身不任九州長垂老能為十畝翁欲向君家乞桃竹小山亦有百株樓
益貨生名語最真楊巖各足頂頭人蘇門客作如相遇莫使鳳鸞上嘴唇
衣裳白首共裁蘿每看青鞋笑若何記得出山來鑿洞應知此樹未婆娑
偶作二章

天時合怪嚴彭祖人事翻癡哪曼容不知月下圭峯笛曾舊江南丙夜鐘
搏牛季子初拋手血頰將軍又整冠心鬢偶借上方筆笑作道場蛇虎看
送舍姪止子還山二章二章亦見大滌函書入
途次偶拈十六章

狐裘誕葛此蒙戎吳楚江頭共轉蓬去買百弓田種秫王家日自有無功
兜整家各改儒冠爾尚貪飴憶醉盤臘鳳已同銀鹿盡最無事處把魚竿
途次偶拈十六章

驢背腥塵馬櫪灰雪花攪作雨中苔不知野店芒鞋者曾過玉皇香案來
樸被衝寒行旅欺載途深歎古人詩花磚舊事誰相憶自記上陵風雨時
側岸突梯薄笨車單輪獨坐凍於鷓鴣憶半帆風雨折和舟猷棹各家家
射聲響的每驚呼昨蟻又愁百澤枯千金一線穆陵路幸放春風與鷓鴣
白溝河過草橋頭十日看雲滄海愁怪得青齊九百里更無一水向南流
華嵩已碎薊雲寒敢道勞人行路難尚有監門難畫處蓬蒿投盡未交餐

破瓦頽垣叢棘前，嗽餘白骨尚溝壑。應知萬姓燒荒日，正是孤臣急就年。
寒風白日捲飛沙，但有親朋亦喪家。若爲故園思惆悵，世閒何處少梅花。
百夫長果勝書生，從此南行罷北征。泣道關弓踴躍者，可移執手與邊城。
橘柚自憐蘭芷香，任移湖海亦芸芳。平生不作幽通賦，卻爲搜奇過酉陽。
險水危灘易折篙，平流況亦有風濤。滄洲故老餘前事，猶說遺黎撫字勞。
在處飛鳴鴻鴈哀，麴花猶作白團灰。不是鍾期貪勝調，輕移絃柱此中來。
園穹有意扶弓馬，皓髮何當犯斗牛。不謂青蓮多妬句，去年黃鶴已焚樓。
毒澗溪水也滄浪，丈八浮家自草堂。賢士豈須名朝隱，古人幾箇近夜郎。
感爾綢繆相報心，裝緜衣袂各霑襟。家山何處無鹽米，險爲孤桐買破琴。
知爾拳拳不忍分，湘蘭猶夫鎖衡雲。丹砂綠布吾無累，拜歲花前見鹿羣。

題七松圖壽魏中巖給諫八章

老蒼寫骨初林烟，任對涼天與豔天。撐住乾坤容我輩，不煩鳥鹿引喬年。
七尺鬢眉千尺材，翻從雲臥領風雷。一勾穩背千秋簞，莫自淮南節度來。
芙蓉張臉柳支頰，不能婉婉坐華崖。青天惱見衆藤蔓，略作波濤散客懷。
跂足胡琴韻北窗，隨他後蝶共前蠶。清臆亦識舊池主，半灑高人長耳中。
橫掃炎雲罷雨霜，梧蕾落地亦芬芳。餘脂便作白龍髓，未借丹青汗竹光。
從烟上下蚤相宜，唾卻靈符殘鼎垂。聞道赤松師弟子，齊翁又是赤松師。

解衣點筆與初關，別向青崖自掃壇。不是逆鱗逢硬手，留將節目與人看。
石侶層峯半鹿羣，蘭香膏火未全焚。欲投塵尾傾平子，故帶白雲持贈君。

徐晉斌草堂成與張聘君汰沃約借謝宏景各賦十二韻迨還梁山通業未償而宏景先就汰沃汰沃

和之陽白照人難爲著手也略遺舊意寄爲前篇列附賡音自呈下里并政張謝用爲劇耳

日日相思賦采藍，不從梧院問潭潭。吹飄歷歷燕山北，濯足垂垂漳水南。
投簪買屨總爲君，不忍峨冠自惹雲。合置一編連舍好，燭搖草是孤芳。
祗今誰似古人才，小點星河掌上苔。無數風烟催竹栝，除將春水半簾來。
梅眼能如柳眼青，忘情鳥雀自窺庭。任看石榻模新樣，莫說新詩與衆聽。
寢辭墜葉覆空牀，伊亦飄然心事長。丹桂不持千日藥，疎麻猶拜百香。
鳩鵬大小各龍楸，拳石汗樽萬樹稠。洗硯當時三寸水，銀河白日不旋流。
不輟雞鳴風雨陰，豈教天雨櫟陽金。安期藥就投滄海，未乃庭前井幹深。
陸沉埋照此無涯，鷓鴣雀龜魚共散齋。尙有迂儒抽禮樂，不忘懷處得忘懷。
特種髻奴爲掃塵，列禮巖公冠笏新。捨卻蒲團十八衆，自逢月影問三人。
開落平分蘭菊時，慙爲埋狗坐傷思。隻身自作橫舟象，不向藕根乞釣絲。
似我年來人已多，一年幾次度明河。張公洞口謝池草，別有孤雲獨鶴過。
買樹猶廉於買山成，時近於陵閒辭官。老病令尊在，催得桃花駐顏。

徐晉斌樓告新成賦贈十二章

老大難成大畝築多君開徑亦奇才松杉鳩散各風雨不帶金門小殿來
似應移住白雲邊便落河橋不偶然世上可無仲舉宅合留瓦屋與孤懸
臥龍躍馬那相宜猶是韶華遠膝時賴經剖書穿竹出隔牆 與阿公知
散髮行吟綠樹陰晚潮十里通人心人生七十平分箭况此安仁鬢未侵
無居少不得高樓省卻終南少室遊小可石梯十五尺幔亭王子坐低頭
胡牀祇合據中層納得茶爐藥竈能不向濟寧春水望滿庭木末上魚唇
四罩林烟寫練裙一條香縷五花雲龍涎墨髓麒麟骨多少奇音世未聞
玉簫鵲報語初闌莫作鼉城蜃市看便作女身猶未字無傳裏錦度人閒
下簾書卜各生涯刺繡倚門豈當家惟有種蔘收紫葢應添竹格幾枝花
畫屏錦檻總生塵縱真蓬壺亦惱人怪得琅玕千筍簇燈前詩草十分新
投筇未老著漁簑六月避風雞子窠若使牙籤無萬卷一茅斜掩已爲多
如此經綸費付量布籬著展未尋常世閒捷足兒無恨不敢偷分鄰舍光

續夢

銷寒夢與雪花長未襯梅妝共柳黃一樣緘成千萬錦憑誰看出是鴛鴦

賦贈陳無功二章

憶爾鏤銀彩筆餘每談詩會動懷予遠逝欲赴三山約猶寄右軍一夜書
茂先博物太邱心守劔人知石鼓音遺草尙存七日卷腰閒應不重黃金

寄贈友人二章

好友何須鼓笈來星榆白晝動昭回君家經緯明於掌但說珠淵卽蚌胎
聲氣誤人塵慮煩月明靜影淨柴門寒香對榻存妻子勝向空壇禮十尊

新安元夕四章

髻頭腥血卷貂皮束跨紅衫弓劍垂廿載杯燈傳巧樣于今獵火滿江陲
上元何處著鼇山毳帳連江鬼火閒最是西橋歌舞盛魚龍百戲不知還

案江逸詩作郊

髮鬢偃子最喧騰疊架糊猴弄綵綉千歲連呼呼不足不知 鬼自獐獐

粉樓峻宇少安眠舞罷燈前再數錢自是此閒無好墨嚴關空鎖半谿烟

案少逸詩作半

新安十二日西橋演燈甚盛爲魚龍百戲共趨 帳中念正希已死予又被執世事不競遂使人心
至此爲之淚下翌日遂絕粒十七解至留都至廿九日不死復進水漿潦倒餘生不能執筆也

過新嶺弔金正希四章

愛爾才名盛昔時欲分麟閣與匡時瀟瀟風雨雞鳴日千古令人誦軼支
績涇溪口萬重山救爾尙差旬日閒自是岱華須破碎嶺雲終古不開顏
旌德灘頭飛鳥斜 兒何處漏悲笳英雄運盡無良算身亦輕來陷左車
殘碁唾手已難工又自論人成敗中但說丹心何所用一時張眼念臧洪
嶺上念正希已死時有江天一諸賢從之足爲吐氣

觸日二章 衣一士身 纏九鎖

九鎖銀鑰烈士軀宛如藤刺遠松鬚世閒可有真獃子日嗽錐條一尺無
一節干將鑄不成自投爐冶隕精靈可憐島上半干士無與田橫說姓名

初至白下見玉梅盛開旅次索被襪不可得愴然留示諸子四章

逢時得地此安然粉雪差肩美少年落魄江潭何所憶半聲玉笛上離筵
鱗鱗寂寂不勝風乍見如逢雪窖中自種小山三百本難描一本白頭翁
狂瀾已碎碧珊瑚賸得南冠衣帶無亂眼經花花不媚莫須愁已立於枯
天沃東風那得知尋常野草自搖枝浩歌一曲開君眼會有斜陽零落時

絕粒十四日不死傳君折得玉梅兩枝寄瓶中聽弄胡琴六章

有命在天意未頹膽花能得幾時開鳥鳥欺語勞相問又作琵琶日百迴
馬頭能得有蛾眉老大明妃出塞時自付飄風看墜絮御薄芳草未經知
絃索江南何處無春風偏呢小單于欲託採薇歌一曲四聲嗚咽不堪呼
斷琴破竹已經年纔見聲音便闐然此去青蒲無尺五爲誰楚漢共悲憐
削鏤伊嚶調不成填喉終夜但呼嗚惟餘照水盈盈者猶識秦淮舊帝京
冥色荒荒音信稀更無桃李坐參差一絲香縷留烟火盡與胡笳訴別離

臥禁城漸聞鐘聲遽然驚覺次第有懷十二章

驕馬腥風不可刪禁臣今繫禁中閒一路銀燈成燹火不知身在浚稽山
紫殿椒圖新鎖時豈知禾黍尙離離銅駝欲訴人閒恨猶作鬢頭雙淚垂

案逸詩
尙作遂

三月孤臣千日愁詞林祇在殿東頭玉欄一曲干馬何處東風不入秋

一番風起復波頰咫尺銀河去不迴晝夜秦庭聲斷絕祇餘碧血照蒼苔

狼嗥鴟嘯夜難分風雨雞鳴總不聞急有晨鐘傳次第教人錯憶建文君

碧瓦華磚碎不辭難言鐘簾未經移五更香靄來荒閣似說高皇初鑄時

逸詩香
作杏

爲誰嗚咽曉雲端委佩無人說漢官不是空山連野寺翻多騷騷上欄干

墜溷穿簾各落花欲傳深省省誰家六朝舊事生芳草祇有孤臣淚未涯

去年此日已辭歸忍見炤門坐掩扉窮鳥潰魚無去路今年重住鍊城圍

累朝芻牧一朝空馬圍當年在禁中今日禁中成馬圍古來烏兔失雌雄

右連尙食左朝門隔舍綸扉祇一垣苑去枯來尋此老青天擇地表君恩

江濤又射石頭平無復英雄歎冶城罹雉重經狡兔窟不禁風雨一患鳴

右繫尙膳監夜聞鐘聲感諸舊事不禁潸然

有所寄四章

何人心事最蒼茫不忍相看涕淚長一尺鴻溝分楚漢千秋蘇李恨河梁

逸詩恨
作限

馬角烏頭未返風委蛇心事廿年中白虹猶著青雲氣不道桑榆日已東

逸詩事
作緒

兩朝遺老各悲離鴻燕參差異昔時玉斧江流甘一割新亭何處不相思

蛇龍虎鼠失商量不欲登牀訴短長羊陸當年相向處至今蘋藻有芬芳

後夜聞鐘再理前緒六章

噪定方知是禁城不堪臥起共分明祇覺晨擗沉百杵更無朝鼓續嚴更
北闕今知借與人鳴巢阿閣共 塵試將往事隨心過俱是宵行送漏身
佩刀宿衛古金吾化作刀頭黎面 記得黃門北寺裡銷魂五載未全蘇

閃電經過意已寬報恩難得共擗肝河山已改舊時夢猶作舊時劍樹看
懸魚檻獸各難論不復悲啼怨此辰可是捐軀無報處墜牀毛血一親親
暖灰熟芋豕奮園中夜何人更叩門一節抽身抽不住千秋芳草怨王孫

毛園水別駕趙淵卿司馬賴敬儒蔡時培二中書皆從予就擗相持彌月矣正月二十五日迺分羈他
處愴然有懷無從寄問也前後鬱伊凡八絕句

敗鼓趨風更有誰幾人徒步急相隨平原二陸能無死要有借來天地知
矢空援絕 盟寒無復神鳥下祭壇急智書生休捷足饒君蚤作白衣冠

虎鼠當頭變色時家人不得叙悲離五千壯士分星雨賸得謝朝賦小詩
夾騎閒關淚不揮驟分驟合且因依惟有都城深隔面不知銜土向誰歸

不盡名緣膩著人愁君好我敗精神一次相逢一惆悵生前可是未分身
信宿分襟遂不齊坐俘祇在大庖西經書百部無談處中夜深深聽馬蹄

北寺西曹憶往年朱涂臥起共凄然定加一信酬前業少得挑鐙破榻邊
荒荒龍血滿居諸蒼頡當年未著書何處一行看不透教人灑淚問衣魚

又寄過十四日恐以予爲死也然亦無從省其達否聊以示意十章

逸詩各
作古

逸詩夾作
炎歸作飛

逸詩蹄
作啼

逸詩滿
作漏

勝竊朝聞傳習中不經毒雨不經風要坐虎頭據百獸別傳精意與驪龍
師子林中架足眠關體線裡罷牽繩要將此意明於月不與鷗巢領暮烟

鏡樹分根過小崖但疑七日捐魂芽蟠桃結子千秋外不是東門一夕瓜
凍釋冰融十二時上陪天帝下田兒家家到處辭親友不與抱橋女子知

凌雲老柏卷旋螺獨活臨風不動波無處著枝更著葉看他根柢自摩娑
畫符莫貼聞風門兩足騰空猶自尊少許不毛千里蔓蛙啼可遽上崑崙

辣命芳根委少年校書人已墜離園斷蛇截臂一般手領得枯松太自然
鏡杵於今未度針閨河織女自纖纖不信天公無姓字定從北斗指高簷

百節難成無漏身滿天雷火洗前因堆山瑪瑙疑龍骨到是石頭自結燐
當年石鷄領春秋會說龍蛇老合收再取鱗皮爲法鼓聃聃二老未搖頭

癡想八章

癡想者繫舊禁不死復思從華頂黃海卒其餘業也六十餘生備嘗荼毒見野葛熟醜澹然無味安
得翻飛千仞頰仰獨尊緬想當年不往辰陽自出潼關豈復至此但如此世界黃華真人何能自保
纔一轉念愈益其癡舊禁尙方固自奢於白雲尊於牖下也

十年殘夢已翻餉又夢華山頂上遊不是庫庭無栝矢似緣鶴箭尙輕柔
渡河夫子已迴車無計能通燕趙書卻有異風蘇兩翻方圓天地視蘧廬
嵩華兩室不經過似有經書未破多弱水定通銀漢路不妨匏葉捲天河

案定逸
詩作能

箏風箭雨各匆匆半在頽垣破瓦中判作窮山老道士木灰猶有十年功

案百逸詩作幾

古人心血已昭垂未見星辰書語時烹煉百番微滓盡回丹別換與爐師

智消道長老難裁盡說灰身失命來殘劫不經鎚鑿遍感生帝子未安胎

胥靡囚 各當年野葛三分傲綺筵老子關前無氣色化胡不是老龍涎

案逸詩崖作岸從作似孤作輕

又寄亦以爲慰八章

明光傳火傳新盡道成仁便殺身留取仁人雙眼在一看薪火一看人

逸詩又作可

觀生合到未生前石鑠金銷不記年經術已傳文字外孤身又在旅魂邊

飄花往往自飛翻不信空諸自在尊試向崑崙岑頂過更無電鼓撼天門

峭壁平丘共一山於山體性不相關要是油然覆天下點雲拂羽自知還

案逸詩頗作不共作相

斷琴頗記得風霆猶與霜鐘共對鳴欲識此身無墜處絳霄篩雪共輕清

枯腸容易不開花風雨能持老婦家此意何曾關至極猶分飛乳與啼呱

長繩繫日已消除白髮猶留千丈餘不教老柏溜新雨欲勸危松且讀書

龍靈精衛語淋漓盡憶君臣父子時勸到海天消竭處愀然初亦不經思

二月朔後引磬不殊起而慨然六章

溝壑精靈不易裁除翻白刃省播頽品題人事顛連盡別有文身龍子來

斬蛟射虎捲江濤見爾雄心動羽毛身是日輪無礙者不與麒麟鬪寶刀

案頗逸詩作惠非

不堪聞見事憑陵膠目驅車又一層何處匡扶成底事銅盤牛耳奉高僧

朱闥尺土死何辭似是紅顏擲鏡時放出枯龍枯海外破山動地有誰知

違邦不道陳文子逐客休談蘇相君句卻一班紅抹額嶺頭又過一層雲

白魚空有捨靈符野鵬何曾止坐隅天上寄愁無不可雲中君謂楚大夫

抵暮四章

日色纔傾便闇然陰房腥火已吹筵魁癩怪人思不夜義和卻久欲投鞭

歸巢鴉鵲各相呼鎮有鸚鵡心眼粗五色文章供薦席後人難作鳳衰圖

渡河狐豕幾精靈無奈紅輪不肯停催促登牀盤礴後佛鐙魚鼓爲誰青

丹檻雕欄供爨餘冥烟猶自比狼胥何處燭龍能不寐少開脣眼問居諸

傳對揚晤語輒贈四章

可人膽骨不尋常較量荆卿張子房年少相從無得力不分圯上與田光

強藩盡逐 馳草澤英雄合與誰看爾立談繙七略不將龐老認吾師

盧龍久賣漁陽火飛兔尙從稷下來樂顧千金名已著葉閒莫赴昭王臺

雄才入細始溫存况是穎公舊子孫試向天河輕挽手不教狼矢射中原

前首原云可人膽骨不尋常每笑因人張子房數尺鍊椎收不住卻煩鑄印與真王非駁子房也正

謂任己之勞耳此作已付丙丁又爲漁陽再發引首花落烏啼何常之有並附識於此

思在黃海八章 案鄭白麓本有十二章內第九章以下據石齋逸詩乃思在華山頽篇之四章也今從之移改

丹砂峯下煉魔堂千輩緇衣繞法場勝事會須消歇過空山面宇自清涼
一坳深僻亦奇峯小得遂庭環照中松障上頭看不到別煩危苦與相從
割裂岱華又幾年雲松無處不焦然天翁刻意消青鬢留取粗頑照白顛
竹徑未成雲徑深園丁豺虎共棲嶽羊公旋眺 根 合有青羊日夕臨
筍蕨茨菰庸劣多馬締豈復瞻青莎夏涼一洗溫砂水不爲身輕欲解疴
名城墮得已闌干合與鸚鵡共破寒瘦竹一枝輕過鳥千千鐘鼓報眞官
竹節題詩石几閒嘯鸞馴虎片時刪可須閉眼三千日少縱雷霆一往還
飛身夸父未移時得過仍口城郭悲乳燕覓堂喃瓦下不知銜土向阿誰

思在華山顛六章從石齋逸

案劣逸
詩作福
案瘦竹逸
詩作竹仗
案片逸
詩作一

聞說丹崖削四隅祇愁不易領眞徒龍門絕處無魚鳥莫似江心大小孤
蒼龍嶺下少人來鍊鎖春深滑碧苔欲上嶺頭吹鐵笛長安不見使人哀
風雨二陵未散時瀾橋澹水各希奇紅塵撒盡迷青鳥縱有蛾眉那得知
並蒂芙蓉攢碧空千千不數幔亭峯緜山覆土平於掌那有吹笙俯故宮
鴨岸鰍蛙共不平墜雲落電有何情人閒險趣嘗應徧恨未華山頂上行
幽人親切寶幽觀假道相看不當歡判作枯藤懸絕壁不垂一線引啼猿
禿筆作晚唐詩意與字相配聊以省事反成費力耳

蒿里十章

案以下四章鄭白麓本誤編在思
在黃海篇中今從石齋逸詩移此

前曾布諸曹莫向憐不謂業錢債未了孳孳三倍索腰纏
吁豈有將身託屬鏤直欲完全長骨肉我生可有讓仁無
瘵餘生拚得是條條燭存骨子珊瑚在香積廚人未敢招
珠碑乞植冬青四五枝我即從容明了義憑誰薤葉倩人兒
翻新七聖嶺頭勸亦眞此道是非耶不得哀哀那敢負星辰
逐指彈裡邊夢到幾驚殘自翻圮石書千卷辟穀猶云是報韓
阿潼關道垂死奚馳華岱峯除卻雲霄物化外百年若箇白頭翁
谷已此時言無復延生禮數存野葛蟠桃同嚼盡不如一握渚芸蓀
禁鳥多畢逋啼孝聲不絕愴遺黎天寧風雨龍蛇夜此日重聞馬角卍
咫尺南安不敢過龍蛇洪水此閒多舉無神禹饗餐鑄猶得餘生弔汨羅
以上詩三十首皆用禿筆揮之鴻寶已死覺斯埋塵世莫宗予開顏何用然而此道水流何可絕也
防風雖倒猶留一節以問尼山不知百年後此紙魂銷歸誰蟻首耳

詩餘

吳江舟中讀雪堂新詩同何義兆賦雪堂豔二闕奉錢爾斐鐵版彈絲足發一粲也從大滌函書補錄
大研停書誰似爾園微高寄把銀河曳練垂天屈卮注地青鳥倒銜闌苑箋朱魚層剝眞仙字憶長干小巷
水柱支簷霜蹄囓轡那關情奉赤幟懶開眸翻金匱畏鄭莊平持灌夫直視且喜得穿楊神清暫些時編
摩心細看鼉口鈺鈺噉三洲輕一餌
斷纜漂舟咒雁魚無書卻寄拜雙甌明月投襟寶幘湧地王烈微分石髓香阿威略帶琅玕字恨老翁版煞
過橋珮舟當鞍結轡想空城難立幟算高賢休代匱歎顧廚味酸楊廬肉視祇管我鉛汞功粗不料他蟲
輪眼細問蟋蟀堂中可爲誰調香餌

新

印





